



五禮通考



卅一



門口 12
號 1062
卷 71



五禮通考卷第二百三

內廷供奉禮部右侍郎金匱秦蕙田編輯 翰林院編修嘉定錢
李太保總督直隸右都御史桐城方觀承同訂 按察司副使元和宋

嘉禮七十六

體國經野

書禹貢荆河惟豫州

雖指傳曰西南至荆山北距河水曾氏曰臨沮之荆
山其陰為豫州其陽為荆州渭案河南河也其不言
南者蒙上至于南省文也荆山主南言傳不當兼
西亦猶青之岱主南言不當兼西也 豫之南界亦
判自南漳縣之荆山西起保康歷宜城棗陽及隨州
之北境故隨縣地州之南境廢光
化縣境入荆城又東為信陽羅山皆與
荆接界處也 豫北濱冀之南河其西與華陰接華



陰雍域也案職方豫州山鎮曰華山通典云即今華陰郡山連延東出故屬豫州九域志云華山四州之際東北冀東南豫西南梁西北雍十字分之四隅為四州也豫之北界由華山而東為閩鄉靈寶陝州澠池新安洛陽孟津鞏縣汜水河陰滎陽滎澤又東北為陽武延津皆在南河之南陽武自元時河從原武決而東南流始為河北地又東北抵濬縣大伾山冀兗豫三州之交也豫東接兗徐揚三州之界自封邱而東為長垣東明又東為考城定陶曹縣城武單縣與兗接界又南為夏邑永城亳州潁州又東為潁上蒙城皆在淮北與徐接界自潁州以西為商城息縣真陽踰淮而南為信陽與揚接界豫西自閩鄉以南為盧氏鄭縣及鄭西之東境故鄭縣地與雍梁接界豫居中央為輻輳之地接

界者七州唯青為兗徐所隔與豫不相接云

伊洛瀍澗既入于河

錐指傳曰四水合流而入河正義曰地理志云伊水出弘農盧氏縣熊耳山東北入洛洛水出弘農上洛縣冢領山東北至鞏入河瀍水出河南穀城縣潛亭北東入洛城志作成舊志作潛澗水出弘農新安縣東南入洛伊瀍澗三水入洛合流而入河傳氏曰導洛言東北會于澗瀍又東會于伊序水之次第此言伊洛瀍澗乃治水之先後渭案漢上洛縣即今陝西西安府商州治盧氏新安二縣今屬河南府穀城故縣在今洛陽縣西北今盧氏嵩縣伊陽伊陽屬汝州以伊水與嵩縣分界洛陽界中皆伊水之所經也商州盧氏永寧宜陽洛陽偃師鞏縣界中皆洛水之所經也近世乃過汜水縣北入河

則洛口又移于東矣

地理今釋伊水出今河南河南府盧氏縣熊耳山縣志謂伊

水出悶頓嶺之陽者古熊耳盤基甚廣悶頓亦熊耳也至偃師縣南入洛洛水出今陝西

西安府雒南縣冢嶺山至河南鞏縣東北入河漚水

出今河南府洛陽縣西北穀城山至縣東入洛澗水

出今河南府澠池縣東北白石山至洛陽縣西南入

洛

胡氏渭曰洛誥周公曰我乃卜澗水東漚水西惟洛

食謂王城也我又卜漚水東亦惟洛食謂下都也漢

志漚水出河南穀城縣晉亭北東南入雒後漢志漚

水出河南穀城縣劉昭引博物記曰出晉亭山括地志云故穀

城在河南縣西北十八里苑中西臨穀水左傳定八年周大夫詹翩叛單子伐穀城即此漢穀城縣魏省入河南縣白故縣西北又三十二里有穀城山東連

孟津縣界即博物記所謂晉亭山也水經漚水出河南穀城縣北山東與千

金渠合又東過洛陽縣南又東過偃師縣又東入于

洛注云縣北有晉亭漚水出其北梓澤中歷澤東而

南水西有一原其上平敞古舊晉訛為舊亭之處潘安仁西

征賦所謂越街郵者也漚水又東南流注于穀穀水

自千金塢東注謂之千金渠也渭案王城即邠邑漢

為河南縣其故城在今洛陽縣西北後漢志云河南周公所城雒邑也春秋時謂之

王下都即成周漢為洛陽縣河南郡治其故城在今

洛陽縣東北二十里後漢志云雒陽周時號成周二城東西相去四十

里而今洛陽縣居其中隋大業初營新都始移二縣于都城內金又省河南入洛陽古時澗

水經河南故城西入洛漚水經河南故城東入洛故

澗水東漚水西為王城而漚水東為下都洛誥之文

其明也自周靈王墜穀水使東出於王城之北則其

勢必入于漚水而合流歷王城之東以南注于洛時

二水猶未經洛陽城也迨東漢建都於此自河南縣東十五里之千金塢引水繞都城南北以通漕而灑水始與穀水俱東注矣古時灑不合澗亦不過洛陽縣南而東至偃師也

榮波既豬

〔錐指〕正義曰沈水入河溢為榮榮是澤名鄭云今塞為平地榮陽民猶謂其處為榮澤在其縣東馬鄭王本皆作榮播謂此澤名榮播渭案地理志沈水出河東垣縣王屋山東南至武德入河軼出榮陽北地中蓋即榮澤經所謂溢為榮也今河南開封府榮澤縣本漢榮陽縣地隋分置榮澤縣澤在其縣南而班云出縣北鄭云在縣東者蓋榮陽故城在今縣西南班鄭據以為言澤起縣北歷其東也

榮澤故城在今縣北五里隋置明洪武八年為河水所圮

移今治

〔地理今釋〕榮波即榮澤在今河南開封府榮陽縣南三里古城村案孔安國傳云榮澤波水已成過豬正義曰鄭云今塞為平地榮陽民猶謂其處為榮澤在其縣東蓋濟水伏流地中絕河而南溢為巨澤禹貢錐指云閻百詩云案馬鄭王本波並作播伏生今文亦然孔安國解作一水非二水以為二水自顏師古始宋林之奇本之引周職方豫州其川榮雖其浸波澁爾雅水自洛出為波別榮波為二水蔡氏因之然案圖究義一為濟之溢流一為洛之支流以榮波為二水終無是處傅氏寅曰上文言導洛此則專主導濟言不當又泛言洛之支水職方所記山川非治水次第不必泥也山海經婁涿之山波水出於其陰北

流至於穀水今本作陂郭璞云世謂之百答水非屬
波水證一惟酈注引作波然亦出於山不出於洛非
屬波水證二水經洛水又東門水出焉注云爾雅所
謂洛別為波也惟此堪引然余考門水下流為鴻關
水今謂之洪門堰在商州洛南縣東北至靈寶縣而
入河何曾見水豬為澤乎非屬波水證三百詩此論
精覈且職方豫州之波出魯山縣鄭注謂即滎播固
非而洛南之波水則與滎澤相距五六百里中隔大
山豈可總撮而言之曰滎波既豬乎其說極詳引之
以証林氏之失

導荷澤被孟豬

雖指正義曰地理志云荷澤在濟陰定陶縣東孟豬
在梁國睢陽縣東北左傳爾雅作孟豬周禮作望諸

聲轉字異正是一地也周禮青州澤藪曰望諸此乃
屬豫者周無徐徐并於青青在豫東故得兼有孟豬
定陶今屬山東兗州府之曹州其故城在今縣西北
四里睢陽今為商邱縣河南歸德府治其故城在今
治南二里通典云荷澤在曹州濟陰東北九十里故
定陶城東北宋州虞城縣有孟豬澤元和志云孟豬
澤在虞城西北十里周迴五十里今在商邱東北接
虞城界也

地理今釋荷澤古濟水所匯當在今山東兗州府曹
州東南及定陶縣界孟豬周禮作望諸史記作明都
澤今河南歸德府商邱虞城二縣界有孟豬臺寰宇
記云虞城孟諸澤俗呼為湄臺蓋澤中有臺也
胡氏渭曰周禮青州澤藪曰望諸爾雅十藪宋有孟

五十七
豬左傳僖十八年楚子玉夢河神賜以孟諸之麋文
十年宋道楚子田孟諸杜預曰宋大藪也水經注云
尚書曰導荷澤被孟豬孟豬在睢陽縣東北闕駟十
三州記曰不言入而言被者明不常入也水盛方乃
覆被矣寰宇記云虞城孟豬澤俗呼為湄臺蓋澤中
有臺也湄案今虞城縣西北十里有孟諸臺接商邱
縣界即此爾雅水草交曰麋麋古湄字臺蓋以孟諸
之麋得名也自元至元二十三年以後歸德府城南
北屢被黃河衝決禹迹不可復問然余考漢書梁孝
王傳築東苑方三百里則孟諸澤皆在其中矣孝王
大治宮室臺榭陂池高高下下澤形盡失故酈元於
睢陽故城絕不言孟諸而敘臺池甚詳蓋澤之畔岸
蕩夷無存久矣元和志云周迴五十里亦彷彿言之

耳

又曰豫州有古太皞祝融之虛及帝嚳成湯所都虞

舜後即少康所都 戈邳封葛三駸諸國皆在焉春秋時可考者

管蔡郟曹鄭東虢西虢凡蔣祭祀宋焦申許蓼左傳哀十七年

楚子穀曰武王克州蓼即此一作廖漢志南陽縣故廖國 密隨厲唐戴沈息房周語內史過曰昭王娶于房後漢志汝南

楚靈王所滅 滑鄆郟穀鄧賴項頓胡江黃道栢州來絞

蠻陸渾凡四十一國戰國時屬宋魏韓而秦楚亦兼

得其地秦并天下置三川碭郡潁川南陽東境北境是南郡

北境是 漢復置豫州領郡國五其今河南府陝郡弘農之地則屬兖州 後漢為司

隸治河陽郡國六 魏因之晉分置司州領郡十一豫州領郡國十 唐為都

畿之河南府洛州 陝郡陝南境 臨汝汝州 滎陽鄭州 等郡河南道

之陳留汴州 睢陽宋州 濟陰曹州 譙郡亳 潁川許州 淮陽陳州 汝

陰潁州 汝南豫州 等郡山南東道之淮安唐 南陽鄧州 襄陽

襄漢東隨武當均等郡及河東道之弘農郡號案以
 上通典所列濟陰之乘氏當往屬兗襄陽之南漳漢
 東之光化當往屬荆又有當來屬者兗域靈昌之匡
 城梁城上洛之上津東境廢長利縣地是也以今輿
 地言之河南則河南開封歸德南陽汝寧五府及汝
 州直隸則大名府之東明長垣山東兗州府之定陶
 曹縣城武單縣江南則鳳陽府之潁州潁上太和亳
 州蒙城湖廣則襄陽府之襄陽光化宜城棗陽穀城
 均州鄖陽府之鄖縣保康及鄖西之東境德安府隨
 州之北境皆古豫州域也

華陽黑水惟梁州

錐指傳曰東據華山之南西距黑水曾氏曰華山之
 陰為雍州其陽為梁州則梁州之北雍州之南以華

為畿

周禮注
畿限也

而梁實在雍州之南矣薛氏曰梁州北界

華山南距黑水黑水今瀘水也酈道元說黑水亦曰
 瀘水若水馬湖江出姚州徼外吐蕃界中東北至敘
 州宜賓縣入江也渭秦華即西岳華山地理志京兆
 華陰縣南有太華山在今陝西西安府華陰縣南八
 里華陽今商州之地是也黑水諸家遵孔傳謂出雍
 歷梁入南海為二州之西界故其說穿鑿支離不可
 得通唯韓汝節疑梁州自有黑水為界與導川之黑
 水不相涉而不謂薛士龍已先得之蓋古之若水即
 禹貢梁州之黑水漢時名瀘水唐以後名金沙江而
 黑水之名遂隱然古記間有存者地理志滇池縣有
 黑水祠一也山海經黑水之間有若水二也水經注
 自朱提音殊至棘道有黑水三也輿地志黑水至棘道

入江四也今瀘水西連若水南界滇池東經朱提棘道其為梁州之黑水無疑矣故斷從薛氏以南北易孔傳之東西亦甚明確也姚州本漢弄棟青蛉遂久三縣地弄棟屬益州郡青蛉遂久屬越嵩郡今為雲南之姚安府宜賓本漢棘道縣棘道今為四川敘州府治孔疏云周禮職方氏華山在豫州界內此梁州境東據華山之南不得其山故言陽山之西則雍州境也竊謂職方九州之山川與禹貢不同雍既有嶽山為鎮故華屬豫今以禹貢之太華為豫州山彼兗之鎮曰岱亦將以禹貢之岱為兗州山乎其不可也明矣蓋境上之山非一州所得專青徐共是岱荆豫共是荆而太華則雍梁豫共之華北為雍華南為梁華東為豫豫雖不言西界觀雍梁可見也九域志云華山四州之際東北冀

東南豫西南梁西北雍十字分之四隅為四州此言實獲我心然冀境三面距河華山在河外冀又與三州微別耳漢志若水出蜀郡旄牛縣徼外南至大笮入繩今黎大所南有旄牛故城即漢縣師古曰西南之徼猶北方塞也繩水出越嵩郡遂久遂久蜀漢改屬雲南水經注若水出蜀郡旄牛徼外東南至故關為若水司馬相如傳曰略定西南夷邊關益斥西至沫若水又曰關沫若是若水故有關也山海經曰南海內黑水之間有木名曰若木若水出焉若水沿流間關蜀土黃帝長子昌意降居斯水為諸侯娶蜀山氏女生顓頊於若水之野若水東南流鮮水注之一名州江大度漢志鮮水出旄牛徼外南入若水又南逕越嵩郡都縣西有嵩水漢武帝置越嵩郡治即都縣言越此水以章休盛也縣故即都國越嵩水即繩若矣又有温水冬夏常熱昔李驥敗李流于温水是也案此温水源流不遠非漢志詳柯鍾封縣下之温水東至廣鬱入鬱者金吉甫謂漢志以瀘為温水從省誤非也即都唐為嵩州越嵩縣今建昌衛四川行都司治領營四會川鹽井冕山越

又南逕大柞縣入繩繩水出徽外山海經曰巴遂之山繩水出焉

通謂之繩水又南逕會無縣元和志會川縣北至雋州三百七十里本漢會無縣也今為會川營地與孫水

合孫水出基登縣一名白沙江南流逕印都縣司馬相如定西夷橋孫水即此

又南至會無入若水也漢志臺登縣孫水南至會無入若行七百五十里元和志雋州臺登縣正南微西至州一百七十里念諾水本名繩水流入瀘水在縣西北七百里自羗戎界流入長江水本名孫水出縣西北胡浪山下今寘山營東北

繩水南經雲南郡之遂久縣蜻蛉水入焉縣本屬越雋屬

西東逕其縣下又東注于繩水漢志蜻蛉縣馬同山有金馬碧雞又逕三

絳縣西三絳一曰小會無又逕姑復縣北對三絳縣淹水注之淹水出遂久

蜻蛉縣又東過姑復縣南東入于若水案漢志淹水出遂久會無臺登遂久蜻蛉三絳姑復並屬越雋郡

又東與母血水合漢志收靡縣南臘涂水所出西北至越雋

又東北至犍為朱提縣西為瀘江水後漢書建武十九年武成

將軍劉尚擊西夷反者棟蓋度瀘水入孟州郡注云瀘水一名若水出旄牛徼外經朱提至犍道入江在今雋州南朱提山名應

劭曰在縣西南以氏焉犍為屬國也在郡南千八百許里建安二十年立朱提郡治縣故城尋廢諸葛亮南征復置自梁陳已來

不復實屬隋開置恭州唐改為曲州元和志云曲州南北四百里東西七百里窮年密霧未嘗觀日月輝光樹木皆衣毛深厚時時多水濕晝夜沾洒上無飛鳥下絕走獸惟夏月頗有郡西南二百里得所綰堂琅縣

蝮蛇土人呼為漏天也行上

高山羊腸繩屈八十餘里或攀木而升或繩索相牽而上緣陟者若將階天案後漢志無堂琅蓋省入朱提也劉昭曰朱提縣西南有堂琅山多毒州盛夏之月飛鳥過之不能得去

有瀘津東去縣八十里水廣六七百步深十數丈晉明帝大寧二年李曠等侵越雋攻臺登縣寧州刺史王遜遣將兩軍姚岳擊之戰于堂琅驍軍大敗追之至瀘水赴水死者千餘人

岸皆山高數百丈瀘峰最為高秀孤高三千餘丈是山晉大

康中崩震動郡邑水之左右馬步之徑裁通而時有瘴氣三月

四月經之必死非此時猶令人悶吐五月以後行者

差得無害故諸葛亮表言五月渡瀘也自朱提至犍

道有水步道有黑水羊官水三津之阻行者苦之又

有牛叩頭馬搏頰坂其艱嶮如此也若水逕越雋之

馬湖縣又謂之馬湖江馬湖縣今為四繩水瀘水孫水淹

水大渡水隨決入而納通稱是以諸書錄記羣水或

水大渡水隨決入而納通稱是以諸書錄記羣水或

言入若又言注繩亦咸言至棘道入江華陽國志云棘道治馬湖江會水通越雋

正是異水沿注通為一津更無別川可以當之今案府縣圖志若水在建昌衛俗名打冲河自冕山營西

徽外營故軍番衛在建昌衛東北東南流至衛西鹽井營東南與雲南

金沙江合營在衛西元和志雋州昆明縣東北至州三百里本漢定笮縣也出鹽鐵夷皆用之漢將張焜殺其豪率遂獲鹽鐵之利鹽井在縣城中取鹽先積柴燒之以水洗上即成黑鹽凡言笮者夷人于大江水上置藤橋謂之笮其大笮定笮皆是近水置笮橋處笮與笮同金沙

江源出吐蕃界至共龍山犛牛石下南流漸廣本名犛水後訛為麗水東南流經麗江府北又東經姚安

府北即鹽井衛東南合打冲河又東合瀘水又東經衛川營南

通典衛川縣有瀘水五月渡瀘即此元和志雋州南至瀘渡四百五十里又東至東川府西折而東北

經烏蒙府西北又東北經馬湖府南又東經敘州府

南而北入大江雲南無水路行者以為艱惟由蜀浮金沙江可以直達南中明正統嘉靖隆慶時屢議開通而不果行至天啟特安酋倡亂貴陽道阻復議開通按察使莊祖誥議云自金沙江巡檢司開由白馬口歷普隆紅巖石刺鮮至廣翅塘皆祿勸州地其下有三澗水溢沒石乃

可放舟泗則躋岸纜空舟以行又歷直勒村罵刺土色皆會禮州也其下有雞心石石如堆者三疊纒江中舟者相水勢緩急可行又歷踏照亂得頭峽刺鮮至粉壁灘甚駛皆東川地又歷驛馬河新灘至虎跳灘陰溝洞皆巧家地虎跳湍瀉陡石不可容舟陰溝二山頽集水行山腹中皆從陸過灘易舟而下又歷大小流灘為蠻夷司地又歷黃郎木舖貴溪寨業灘至南江口為烏蒙府地始安流自廣翅塘至南江木商行之可十日又至文溪鐵索江邊數灘歷麻柳灣教化巖為馬湖府地又歷洩灘蓮花三灘會溪石角灘至敘州府其說甚詳

縣界繩若合流處若為建昌衛西之打冲河繩則姚安府北之金沙江也此水禹無可致力不用循行故

所道惟雍州之黑水 瀘本作盧如盧弓盧矢盧橘之類皆訓黑劉熙釋名土黑曰盧沈括筆談云夷人

謂黑為盧漢中山盧奴縣有盧水酈道元云水黑曰盧不流曰奴尤盧水為黑水之切證也牧誓八國有

盧人疑即居盧水上者其字後加水作瀘章懷太子注後漢書云瀘水一名若水則瀘若似非異源而酈

元引益州記曰瀘水源出曲羅舊下三百里曰瀘水

兩峰有殺氣暑月舊不行故武侯以夏渡爲艱瀘水
又下合諸水而總其目焉故有瀘江之名矣據此則
瀘水自出曲羅舊其地當在若水之東下流合若水
故若水兼瀘水之目所謂隨決入而納通稱者也元
和志云雋州西瀘縣東北至州二十七里本漢邛都
縣地瀘水在縣西一百十二里水峻急而多石土人
以牛皮作船而渡一船勝七八人蓋卽曲羅舊出之
瀘水也考其源流不出漢越雋犍爲二郡界而杜氏
通典云吐蕃有可跋海去赤嶺百里方圓七十里東
南流入西洱河合流而東號漾濞水又東南出會川
爲瀘水瀘水卽黑水也程大昌金履祥之說皆出於
此漾濞水見唐書在今大理府西百里西洱河卽葉
榆河也出大理鄧川州點蒼山匯爲巨湖周三百里

亦曰西洱海今案水經注葉榆河出益州郡葉榆縣
縣東有葉榆澤葉榆水之所鍾也其水自縣南枝分
東北流逕遂久縣東姑復縣西與淹水合淹水雖合
繩若入蜀江而葉榆初無黑水之名也何以知爲黑
水之源其經流則自邪龍縣東南流逕滇池縣南又
東與盤江合又東南至交趾糜泠縣入海此與會川
相去懸絕並不合繩若入蜀江安得謂漾濞水東南
出會川爲瀘水卽滇池縣所祠之黑水哉杜說非是
又案水經注永昌郡有蘭蒼水出博南縣漢武帝時
通博南山道渡蘭倉津土地絕遠行者苦之歌曰漢
德廣開不賓度博南越倉津其水東北流逕不韋縣
與類水合又東與禁水合又北注瀘津水然則此蘭
倉水仍東北合瀘水入蜀江也若今之所謂闡滄江

元人指以為禹貢之黑水者則東南流至交趾入海
與梁州絕無交涉影響附會之談殊不足信 漢志
滇池澤在滇池縣西北有黑水祠後漢志縣北有黑
水祠或以為武帝開置益州郡始立之非也使帝知
郡界有黑水而立此祠則班史必知其所在而能言
之矣竊謂此祠蓋彼中相承已久黑水即金沙江東
經會無縣南南直滇池縣故滇王國於其北立祠
祭之宜矣自周衰以迄漢初聲教阻絕故尚書家莫
能言梁州黑水之所在千載而下尚賴有此祠可以
推測而得之語云天子失官學在四夷又云禮失而
求之野此亦其一端也杜佑以漾濞水經會川縣者
為黑水樊綽以麗水合瀾若江者為黑水程大昌以
西洱河貫葉榆澤者為黑水元人則以蘭滄江至交

趾入海者為黑水而明李元陽引張立道之事以為
證此皆轉相附會以求合于入南海之文非實有所
驗也以是為雍界之黑水吾不敢知如謂梁界之黑
水亦即斯川則梁州奄有雲南極於交趾以一州而
兼數州之地何至若是之廣遠此可以理斷之而信
其必不然者也

〔地理今釋〕梁州黑水即今雲南之金沙江其源發於
西蕃諾莫渾五巴什山分支之東曰阿克達母必拉
南流至塔城關入雲南麗江府境亦曰麗水東南流
至姚安府大姚縣之左却鄉即舊却營北打冲河自鹽井衛
來會之打冲河出自西蕃界在崑崙東南百里二源同發名查稽必拉蒙古謂之七察兒哈那平地水泉數十泓沮如盛沸散若列星匯而南流有支河十二道左右流入之至占對安撫司入四川界南流東折繞鹽井衛之東北又南至烏喇傑果入金沙江又東入四川
逕會川衛南又東至東川府西折而東北流逕烏蒙

府西北馬湖府南又東逕敘州府南入岷江

胡氏渭曰梁北自洛南商州鎮安並屬西以西為洋縣

城固褒城鳳縣並屬漢中府兩當徽州成縣並屬鞏昌府及唐宕壘

二州之地北與今岷州洮州二衛接界衛屬臨洮府又西為西傾山南唐松州徼

外羈縻之地貞觀二年於松州置都督府督羈縻二十州其後多至百有四州悉生羌部落皆與雍接

界其間大山長谷遠者或數百里終南山東連二華

竦峙長安之南有子午道直達漢中岡巒綿亘歷盤

屋至武功郿縣為太一山亦名太白山駱谷斜谷之

口皆當其地又西過寶雞訖於隴首山之深處高而

長大者曰秦嶺西京記云長安正南山名秦嶺東起

商洛西盡汧隴東西八百里是也關中指此為南山

漢中指此為北山斯實雍梁之大限矣寶雞西南為

鳳縣即漢故道縣屬武都郡縣東北大散嶺與寶雞分界嶺上有大

散關當秦隴之會扼南北之交雍梁有事在所必爭

又西為徽州州東南有鐵山懸崖萬仞劉子羽曰蜀

口有鐵山棧道之隘是也州西有大皮嶺甚高險唐

黃巢之亂王鐸置關於此以遮秦隴又西為成縣縣

有驚峽羊頭峽龍門戍皆在仇池山北北兵攻仇池

必由此入又西為洮州衛之西傾山山東北去衛四

百餘里屬雍州其南則屬梁州所謂西傾因桓是來

者也以上諸山皆隴蜀阨塞西傾與華陽東西準望

相直曹彥和云梁北雍南以華為畿不兼言東最得

經旨而林少穎以為華山在梁雍之東當云梁之東

北雍之東南以華為畿夫兼言東則不足以該其西

是謂欲密而反疎林氏蓋習聞西南距岱之說而不

知其非故有此論 梁東自洛南商南以南二縣並屬西安府

為鄭西之西境故上津縣地

上津唐屬商州其故城在今鄭西縣西北一百十里

又南

為房縣

鄭西房縣並屬鄭陽府

與豫接界又南為竹山縣

屬鄭陽府

又南為

巫山縣

屬夔州府

與荆接界 梁南自宜賓以西至會川諸

州縣凡在瀘水馬湖江之北者皆梁域宜賓以東至

巫山諸州縣凡在大江之北者皆梁域蓋大江既合

瀘水亦得互受通稱故隋改江陽縣曰瀘川置瀘州

治焉其縣南大江寰宇記謂之瀘江瀘水即黑水則

梁左之南鄙亦當以此水表界也或曰梁州之水莫

大於江經曷不界以江曰江自岷山導源大勢皆南

行至敘州始折而東苟界以江則江右之地悉遺之

域外矣故言黑水可以見左界而言江則不可以該

右界也 梁西自西傾山歷唐羈縻州以南為當州

奉州柘州又西南為始陽鎮又南為雅州黎州又西

南為雋州皆與蠻夷接界今松潘衛威州天全六番

招討司雅州黎大所及越雋冤山營之北境鹽井營

之西境是也唐當州在今松潘衛西南三百里州治

通軌縣隋志縣有甘松山

元和志云甘松嶺在嘉城縣西南十五里

唐開元十九

年吐蕃請互市於甘松宰相裴光庭曰甘松嶺中國

之阻不如許赤嶺即此也

赤嶺在今陝西西寧衛界

奉柘二州在今疊

溪威州之西奉州西七十里有的博嶺韋臯嘗分兵

出此圍維州柘州西北百里有大雪山一名蓬婆山

杜甫詩已收滴博雲間戍欲奪蓬婆雪外城是蓬婆

又在滴博之西也威州北有高碛山

山上有薛城廢縣唐維州治亦曰姜維城

略云自松達茂不三百里夷碛碁布山巖如蜂房宋

史有碛門元有碛門宣撫司即今天全六番招討司

也蓋夷碛起自松州訖於始陽故謂之碛門矣

廣韻無碛字不

知其音今案後漢書冉駝夷皆依山居止累石為室高者至十餘丈為邛籠注云今彼土夷人呼為彫也蓋礪本作彫後改从石作礪耳音當與彫同唐

雅州治嚴道縣領羈縻吐蕃四十六州黎州治漢源縣管羈縻州五十七並蠻夷部落寰宇記云雅州西去大渡河五日程羗蠻混雜連山接野鳥路空不知里數黎州西至廓清縣一百八十里其城西臨大渡河河西則生羗蠻界高山萬重更無郡縣今黎大所北有邛來山九折坂後漢永平中白狼槃木唐菽等百餘國舉種奉貢越山坡纏負而至皆旄牛徼外蠻夷也雋州即今建昌衛通典云南至姚州界五百六十里西至磨迷生蠻六百六十里昔司馬相如略定西南夷關沫若徼牂柯鏤靈山橋孫水蓋皆在此地矣

岷嶓既藝

錐指傳曰岷嶓皆山名地理志云嶓山在蜀郡湔氏道西徼外江水所出縣有蠻夷曰道今四川松潘衛即漢湔氏道也山在衛西北後魏地形志華陽郡嶓冢縣有嶓冢山漢水出焉括地志云嶓冢山在梁州金牛縣東二十八里今在陝西漢中府寧羗州北九十里州本漢廣漢郡葭萌縣地也

地理今釋嶓冢有二一在陝西漢中府寧羗州北九十里東漢水所出即導漾之嶓冢一在鞏昌府秦州西南六十里西漢水所出二山南北相去三四百里而支脈隱然聯屬郡縣志所謂隴東之山皆嶓冢是也

沱潛既道

錐指正義曰鄭注梁州云二水亦謂自江漢出者郭璞爾雅音義云沱水自蜀郡都安縣湔山與江別而

東流又云有水從漢沔陽縣南流至梓潼漢壽入大
 穴中通峒山下西南潛出一名沔水舊俗云即禹貢
 潛也渭案地理志禹貢江沱在蜀郡郫縣西東入大
 江此即今之郫江郭氏所謂沱也括地志云潛水一
 名復水今名龍門水源出綿谷縣東龍門大石穴下
 元和志云龍門山在利州綿谷縣東北八十二里潛
 水所出此即郭氏所謂潛也今成都府灌縣東有都
 安故城漢中府沔縣東南有沔陽故城漢壽晉改曰
 晉壽其故城在今保寧府昭化縣東南綿谷亦晉壽
 地今為廣元縣 河渠書蜀守冰鑿離碓辟沫水之
 害穿二江成都之中溝洫志同 碓作隄注引杜預益州記云二
 江者郫江流江也隋經籍志有益州記三卷李氏撰而無杜預之書李氏者李膺也梁益州別駕初學記引任豫益州記曰郫江者大江之支也亦曰涪江亦曰沔水在蜀與落水合又劉逵蜀都賦注丙穴下劉昭注補郡國志廣都縣下並引任豫益州記此杜預當是任豫豫通作

預任與杜字形相似而誤

揚雄蜀都賦曰兩江珥其前應劭風俗通曰
 李冰開成都兩江溉田萬頃左思蜀都賦曰帶二江
 之雙流常璩華陽國志曰李冰壅江作壩穿郫江檢
 江即流江別支流雙過郡下蓋自漢以來皆以郫江為沱
 水流江為大江水經所敘江水自都安以至成都者
 攷其原委皆流江也然流江實非大江江原縣鄰水
 江原今崇慶州應劭曰鄰音壽近世謂之大阜江者元和志鄰江一名阜江蓋壽音轉為阜則岷江
 之正流也而班氏以為首受江故鄭康成云沱之類
 鄰與郫俱為沱而流江於是乎為大江矣推尋事理
 李冰所穿之二江一是流江乃冰所創造一是郫江
 即禹貢之沱時必淤淺冰復從而濬之遂并數為二
 江茲二江者或稱內江外江或稱南江北江彼此參
 錯未知誰是其前水不經成都縣界元史河渠志以

郫浦為冰所穿之二江大謬郫江之為沱水無疑矣
然世皆以灌縣西南至廣都北岸合流江者為郫江
之起止今成都城東南岸曲有合江亭郫江入流江處也則所行不過三百餘里今
案漢志縣虎縣浦水東南至江陽入江江陽今瀘州行千八
百九十里水經注云縣雒二水與浦水合亦謂之郫
江郫江者沱水也既與浦水渾濤則直至瀘州入江
矣安得以五城水口之枝津為沱水西合大江之正
道哉水經注云浦水東絕縣洛逕五城界至廣都北岸南入于江謂之五城水口蓋禹治梁州特紀沱
潛潛自廣元至巴縣入江行千餘里沱自灌縣至瀘
州入江行千五百里羣流湊集源遙波濬雖江漢之
別而實為州界兩大川荒度之功不遺餘力此沱潛
所以與岷嶓並志也
蔡蒙旅平

錐指傳曰蔡蒙二山名正義曰地理志云蒙山在蜀
郡青衣縣順帝改曰漢嘉縣蔡山不知所在蘇氏曰
蒙山今日蒙頂涓案今雅州北有青衣廢縣蒙山在
州南

地理今釋蔡山宋葉少蘊謂即周公山在今四川雅
州東五里蒙在今雅州名山縣西五里接雅州及蘆
山縣界

蕙田案蔡山正義云不知所在胡拙明謂當
是今之峨嵋山以為周公山者葉少蘊及明
一統志也

和夷底績

錐指正義曰和夷平地之名蘇氏曰和夷西南夷名
也涓案水經注引鄭說云和夷和上夷所居之地和

水即泚水和泚聲相近字從而變地理志云青衣縣禹貢蒙山谿大渡水東南至南安入泚泚水出汶江縣徼外南至南安東入江過郡三行三千四十里泚乃泚字之誤說文泚水出蜀汶江徼外東南入江从水我聲徐鉉音五何切故知泚當作泚和夷者泚水南之夷也汶江今茂州南安今嘉定州 水經江水東南過犍為武陽縣故城在今眉州北新津仁壽并研三縣皆武陽也青衣水沫水從西南來合而注之此即二水會泚水入江處也酈注云江水自武陽東至彭亡聚曰外水又東南逕南安縣西有熊耳峽連山競險接嶺爭高縣治青衣江會衿帶二水矣縣南有峨眉山有蒙水即大渡水也水發蒙溪東南流與泚水合水出徼外逕汶江道呂忱曰泚水出蜀許慎以為泚水也從水我聲南至南

安入大渡水大渡水又東入江也班固謂大渡入泚道元謂泚入大渡然泚水源長當以漢志為正道元敘泚水甚略自漢志泚誤作泚而師古曰音哉世遂不知有泚水且不知泚水之所在徒以其下流與南安之沫水號為大渡者合而入江因目泚水曰大渡河元和志云黎州西至廓清城一百八十里其城西臨大渡河河西生羗蠻界黎州本漢沈黎郡旄牛縣地唐置黎州治漢源縣今黎大所南三十里漢源廢也縣是也又云通望縣北至黎州九十里大渡水經縣北二百步通望本漢旄牛縣隋為大渡戍尋置陽山縣唐改曰通望今黎大所東南通望故城是也旄牛故城在所南牧誓有旄人蓋國于此也李膺益州記云羊膊嶺水分二派一南流為大江一西南流為大渡河王應麟地理通釋云大渡河一名羊山江源出鐵豹嶺嶺即岷山羊膊嶺之異名也大渡河即泚水羊膊嶺即汶江徼外之山泚水所出以今

水經注卷之三 禮國經野

輿地言之滅水自茂州徼外南流經黎大所西舊有黎州所

木朝并為一曰黎大所附屬雅州折而東經所南又東經建昌衛越雋營

北南去營二百二十里歷鬼皮落野夷界水勢浩大煙瘴特甚又東經峨眉縣南又東至嘉

定州南合青衣沫水又東入大江此水之南蓋即經

所謂和夷也禹導和水使入江而其地已底績矣或

曰何以知不在山北曰古者桓有和音故鄭康成破

和為桓晉地道記云梁州自桓水以南為夷書所謂

和夷底績此說是也但不當破和為桓耳方輿勝覽

云大渡河於黎州為南邊要害之地唐時大渡之戍

一不守則黎雅邛嘉成都皆擾建隆三年王全斌平

蜀以圖來上議者欲因兵威復越雋藝祖以王斧畫

此河曰外此吾不有也於是為黎之極邊曩時河道

平廣可通漕舟自王斧畫河之後河之中流忽陷下

五六十丈河流至此澎湃如瀑從空而落舂撞怒號

波濤洶湧船筏不通名為噎口殆天設險以限羌蠻

也政和末大理通貢有上書乞於大渡河外置城邑

以便互市詔問得失知黎州宇文常言太祖觀地圖

畫大渡河為境歷百五十年無恙今若於河外建城

邑開邊隙非中國之福心議遂寢以是知大渡河南

當為禹貢外薄之地唐韋皋拒吐蕃李德裕拒南詔

皆扼此水為險要和夷在大渡河南馬湖江北為宋

祖王斧畫而棄之者無疑矣馬湖江即古若水漢瀘水禹貢梁州之黑水也

地理今釋和夷案水經注引鄭說云和夷所居之地

和即和川水在今四川雅州榮經縣寰宇記謂榮經

縣北九十里有和川水從羅巖古蠻州來也蔡傳以

夷為嚴道今榮經縣宋曰嚴道以西之夷道榮經以西無夷道非是時瀾書

說云嚴道以西地名和川夷人所居乃為得之

觀承案和夷之解極是與島夷萊夷淮夷一例是禹貢之書法也蔡氏以夷為嚴道以西之夷道者即令果有其地亦不足据矣

西傾因桓是來

錐指傳曰西傾山名桓水自西傾山南行因桓水是來浮于潛地理志云西傾山在隴西臨洮縣南夏氏曰西傾後世所謂嶺臺山其南桓水出焉一名白水渭案今陝西洮州衙本漢臨洮縣地唐為臨潭縣屬洮州括地志云西傾山在臨潭縣西南三百三十六里西傾之戎在山之西南唐為吐蕃地北連吐谷渾西接党項党項故析支也山海經曰白水出蜀而東南注于江邠璞云色微白濁今在梓潼白水縣從臨

洮之西西傾山來經沓中東流過陰平至漢壽縣

潛鄜道元云桓水自西傾至葭萌入于西漢即鄭元之所謂潛水者也 今白水自洮州衛流經文縣平

武龍安府治劔州至昭化縣東入西漢水此即禹貢之桓水西傾之戎所因以來者也

地理今釋西傾山一名嶺臺山在今陝西鞏昌府洮州衛西蕃界延袤千里外跨諸羗桓水一名白水出今陝西岷州衛東南分水嶺至四川保寧府昭化縣東入西漢水西漢水出秦州岷冢山上流為犀牛江下流為嘉陵江

浮于潛逾于沔入于渭亂于河

錐指傳曰漢上曰沔越沔而北入渭浮東渡河正絕流曰亂正義曰下傳云泉始出山為漾水東南流為沔水至漢中東行為漢水是漢上曰沔也渭案地理

志渭水出隴西首陽縣西南鳥鼠同穴山東船司
空入河河謂西河水經注云西漢即潛曰西漢遡
流而屆于晉壽界阻漾枝津南歷岡穴逶迤而接漢
沿此入水書所謂浮潛而逾沔矣歷漢川至南鄭縣
屬于褒小遡褒暨于衙嶺之南溪水支灌于斜川水支本
川字屆于武功而北達于渭水此乃水陸之相關川
流之所經復不垂禹貢入渭之宗實符尚書亂河之
義也林蔡所引皆有脫誤謹依原文備錄于此南鄭
今為漢中府治其故城在縣東北武功故城在鳳翔
府郿縣東四下里渭水之南漢志右扶風武功縣
下云斜水出衙嶺山北至郿入渭褒水亦出衙嶺至
南鄭入沔案衙嶺山在今郿縣西南三十里俗呼馬
鞍山褒斜本谷名李善西都賦注引梁州記云萬石

城沂漢上七里有褒谷萬石城在今漢中府褒城縣東南口曰褒北口曰
斜長四百五十里溝洫志曰作褒斜道五百餘里曹孟德以此谷為五
記合程大昌謂漢中北水經注漢水自西樂城北城在今沔縣東
又東合褒水水東北出衙嶺山東南經大石門歷故
棧道下谷又東南逕三交城城在褒城縣西北又東南得
丙水口水上承丙穴穴出嘉魚故在思稱嘉魚出于丙穴良木攢于褒谷又東南歷小石門門穿山通
道六丈有餘蜀都賦曰岍以石門即此門在漢中之西褒中又東南歷褒
之北案今褒城縣西北十五里箕谷口有石如門曰石門又東南歷褒
口即褒谷之南口北口又南逕褒縣故城東褒中縣也本褒國案褒中故城在褒城縣南又
又南流入于漢渭水自郿縣故城南城在今郿縣東北又
逕武功縣北斜水自南注之水出縣西南衙嶺山
北歷五丈原東原在郿縣西三十里渭水南亦謂之武功水諸葛亮表
云臣遣虎步監孟琰據武功水東是也以今輿地言
之褒谷口在褒城縣北十里斜谷口在郿縣西南三

十里褒水自衙嶺南流經褒城縣東又南入于漢斜水自衙嶺北流經郿縣東又東北入于渭褒之流長而斜之流短兩谷高峻中間褒水所經皆穴山架木而行名曰連雲棧陸贄所云緣側徑於嶺崑綴危棧於絕壁者也酈元云自西漢泝流而至晉壽阻漾枝津南枝津即郭璞所云水從沔陽縣南流至漢壽寰宇記所謂三泉故縣南大寒水西流者也歷岡穴迤邐而接漢岡穴即郭璞所謂峒山括地志所謂龍門山大石穴者也以今輿言之浮嘉陵江至廣元縣北龍門第三洞口舍舟從陸越岡巒而北至第一洞口出谷乘舟至沔縣南經所謂浮潛而逾沔也自沔入南鄭縣界抵褒城東歷之斜水至郿縣東北入渭沿流而武武功興平盩厔鄠縣咸陽長安高陵

咸寧臨潼渭南華州朝邑至華陰縣之渭口絕河流而東抵蒲州經所謂入渭而亂河也自蒲州並東岸而行至滎河縣北泝汾水而上歷河津稷山絳州太平襄陵至臨汾縣是為平陽堯之所都此梁州入西傾之貢道也

地理今釋沔水一名沮水漢書地理志武都郡沮縣沮水出東浪谷沮縣即今陝西漢中府略陽縣也東南至沔縣西南入漢水名曰沮口

胡氏渭曰梁州有古蜀山氏蠶叢氏之國又元囂昌意所封及牧誓所稱庸蜀羗髳微盧彭濮諸國皆在焉春秋時可考者庸巴濮麋褒凡五國戰國時屬秦而楚亦兼得其地秦并天下置漢中巴郡蜀郡隴西

南境

內史

漢改置益州

領郡八漢志云改梁曰益

魏分置梁州晉初因

之益梁二州並領郡後又分益州南境置寧州領郡四唐為山南西
 道之漢中州梁洋川洋通川通潯山渠南平渝清化巴
 始寧壁咸安蓬符陽集巴川合河池鳳順政興益昌益
 利等郡山南東道之房陵房南賓忠南浦萬雲安夔
 等郡劍南道之蜀郡益唐安蜀濛陽彭德陽漢通義通
 眉梓潼梓巴西綿普安劍閬中閬資陽資臨邛邛通
 化茂交川松越雋雋南溪戎遂寧遂仁壽陵犍為嘉
 盧山雅盧川瀘陽安簡安岳普江源當陰平文同昌同
 扶油江龍臨盟盟歸誠悉靜川靜蓬山柘恭化恭維
 川維雲山奉和義榮盛山開南充果洪源黎雲南姚
 等郡又京畿之上洛南安康金隴右道之武都武同
 谷成懷道宕合川疊黔中道之涪陵涪南川南等郡
 案以上通典所列雲南涪陵南川三郡乃梁南徼外

蠻夷不在九州之限其雲安之建始縣當往屬荆上
 洛之上津東境廢長利縣地當往屬豫而黔中寧夷
 涪川播川夜郎義泉漆溪七郡列在荆域者雖附近
 蜀江之南亦係徼外蠻夷不在九州之限以今輿地
 言之陝西漢中府興安州及西安府之商州洛陽山
 陽鎮安商南鞏昌府之鳳縣兩當徽州成縣階州文
 縣湖廣鄖陽府之房縣竹山竹溪及鄖西縣之西境
 四川則成都保寧順慶龍安馬湖五府潼川嘉定邛
 眉雅五州及敘州瀘州重慶夔州之江北諸州縣松
 潘衛疊溪營天全六番招討司黎大所建昌衛皆古
 梁州域也其導義府永寧衛及東川烏蒙鎮雄故烏三
 府並在瀘水之外雲南郡唐於昆明之弄棟川置即
 今姚安府其非梁域又不待言矣

黑水西河惟雍州

雖指傳曰西距黑水東據河龍門之河在冀州西正義曰河在雍州之東而謂之西河者以冀州西界故王制云自東河至於西河千里而近是河相對而為東西也渭案黑水水經注云出張掖雞山南流至燉煌過三危山南流入于南海括地志云源出伊州伊吾縣北百二十里南流絕三危山在沙州燉煌縣東南四十里二說未知孰是通典云孔鄭通儒莫知其所或是年代久遠遂至湮涸無以詳焉河經龍門而南至於華陰為西河左傳昭公十三年晉叔魚謂李孫曰將為子除館于西河禮記子夏退而老于西河之上史記魏武侯浮西河而下封吳起為西河守皆此水也

地理今釋雍州黑水出陝西甘肅塞外南流至河州入積石河今俗名大通河是也

案括地志云黑水出伊州伊吾縣北東南流至鄯州又東南至河州入黃河今黑水上源為流沙壅塞已無遺跡可考其下流為大通河在瓜州之南歷西寧衛東南至河川入河西寧即唐之鄯州則括地志之說與今圖合又紫河之積石北則大通河入之南則大夏河注之相值後人或遂指大夏為黑水絕河而南之跡不知大夏在南山之北且其源自南而北與山南入海之水絕不相通

胡氏渭曰黑水今不可得詳據括地志言出伊吾南流絕三危山則當自燉煌北大磧外流入郡界南經白龍堆東三危山西又南經吐谷渾界中又南經吐蕃界中繞出河源之外而入于南海梁州之黑水別是一川非為雍西界者也西河東與冀分界自今榆林衛故勝州東北折而南且西經府谷神木又西南經葭州吳堡又南經綏德清澗延川延長又東南經宜川並屬延安府又南經韓城郃陽朝邑以至于華陰並屬西安

府與豫接界河行凡一千七百餘里 雍之南界自
 華陰太華山以西為華州渭南藍田鄠縣盩厔並屬西
 郿縣寶雞並屬鳳皆以南山與梁分界又西為鳳縣有
 大散嶺又西為徽州有鐵山木皮嶺又西為成縣有
 鷲峽羊頭峽龍門戍並屬鞏又西為岷州衛又西為洮
 州衛有西傾山皆與梁分界處也詳見自西傾又西歷
 吐谷渾南至大積石自積石又西歷吐谷渾南党項
 白蘭之北至於黑水吐谷渾本遼東鮮卑種也東晉
 初徙居枹罕宋景平中其子孫有阿豺者升西疆山
 觀墊江源則其地南至西傾矣又數傳為夸呂始自
 號可汗治伏侯城在青海西十五里據有甘松之南
 洮水之西南極於白蘭其地東西三千里南北千餘
 里党項羗在古析支之地漢時燒當羗亦嘗居之白

蘭者羗之別種也其地皆與吐谷渾接吐谷渾在河
 湟之間即先零燒當諸羗故地積石在其西南南枕
 賜支河曲禹導河自此始則湟水之南積石之北西
 傾之西其為雍州之域無疑矣 雍之北界經無可
 見約略言之自今塞外東受降城之西與冀分界元和志云
東受降城在勝州 榆林縣東北八里又西四百里為中受降城元和志云南至
麟州四百里又西四百餘里為西受降城元和志云在豐唐景龍二年張
 仁愿所築南直今榆林衛黃河經三城之南謂之北
 河河北有陰山為華夷大限侯應曰北邊塞至遼東
 外有陰山東西千餘里是也又西為高關山戰國時
 趙築長城並陰山下至高關為塞及秦始皇斥逐匈
 奴城河上為塞又使蒙恬度河取高關陶山北假中
 築亭障以逐戎人是也其地又有光祿塞雞鹿塞漢

受降城皆雲中五原二郡境也又西爲河西四郡之
北鄙漢太初中收匈奴休屠渾邪在地置武威張掖
酒泉敦煌以通西域隔絕羗胡往來武威姑臧縣北
三百里有白亭軍元和志云在馬城河東岸天寶十
年哥舒翰置因白亭海爲名也張掖東北一千五百
餘里有地曰居延元狩二年霍去病出北地二千餘
里過居延太初三年使路博德築居延澤上今甘州
衛塞外居延故城是也亦曰居延塞元爲亦集乃路
地理志云在甘州北一千五百里城東北有大澤西
北俱接沙磧乃漢居延故城明洪武初馮勝拔肅州
進至掃林山亦集乃路是也合黎山在張掖縣西北
二百里弱水由此東北入居延澤遮虜障在肅州酒
泉縣北二百四十里李陵與單于戰處敦煌即今廢

沙州衛衛北抵大磧磧外即古伊吾盧地唐置伊州
今爲廢哈密衛也自雲中至敦煌六郡皆古雍州之
城後爲戎翟所據至秦漢始收復者其北皆臨大磧
大磧即沙幕漢人謂之幕唐人謂之磧東西數千里南北遠者千里無
水草不可駐牧雖禽獸亦不能居之

弱水既西

雖指傳曰導之西流至于合黎渭案地理志張掖刪
丹縣桑欽以爲道弱水自此西至酒泉合黎今陝西
行都司之山丹衛故刪丹縣也

地理今釋弱水今陝西山丹衛漢刪丹縣城西有山丹河古

弱水也法顯佛國記謂之流沙河出衛西南窮石山正流西至合黎山

與張掖河合又東北至甘州衛北迤邐流至塞外入
居延澤其餘波溢入流沙也

涇屬渭汭

〔錐指傳〕曰屬逮也水北曰汭言治涇水入于渭地理志云涇水出安定涇陽縣西并頭山東南至馮翊陽陵縣入渭行千六十里渭案涇陽故城在今陝西平涼府平涼縣西南并頭山在縣西一百里陽陵故城在今西安府高陵縣西南二十里說文汭水相入也左傳閔公二年虢公敗犬戎于渭汭杜預曰水之隈曲曰汭

〔地理今釋〕涇水出今陝西平涼府平涼縣西南并頭山亦名崆峒山東至西安府高陵縣西南入渭水渭水出今陝西臨洮府渭源縣西鳥鼠山東至西安府華陰縣東北入河汭水出今平涼府華亭縣有二源北源出湫頭山之朝那湫南源出齊山至縣東與北

河合又東至涇州西北入涇水

胡氏渭曰蔡傳云涇渭汭三水名屬連屬也涇水連屬渭汭三水也黃東發非之曰古說涇入於渭水之內而漆沮既從澧水攸同皆主渭言之文意俱協若以汭為一水而入涇則涇屬渭汭者是涇既入渭汭又入涇下文漆沮之從澧水之同孰從孰同耶職方氏其川涇汭易氏解云汭非禹貢之汭禹貢言汭皆水內此川名鄒季友亦曰涇水先會汭水後入渭水則經當言涇屬汭渭不當先渭而後汭况下文即有渭汭字不可異說一言破的蔡說可以永廢矣

漆沮既從

〔錐指傳〕曰漆沮之水已從入渭顏氏曰漆沮即馮翊之洛水渭案地理志沮水出北地直路縣西東入洛

洛水至馮翊襄同懷德縣東南入渭直路縣自後漢已廢其故城在今延安府鄜州中部縣西北二百里襄德今西安府同州之朝邑縣也縣西南四十三里有懷德故城水經注云渭水東過華陰縣北洛水入焉關駟以為漆沮之水華陰縣北即懷德縣南也導渭傳云漆沮二水名亦曰洛水出馮翊北正義云地理志漆水出扶風漆縣依十三州記漆水出岐山東入渭則與漆沮不同矣此云會于涇又東過漆沮是漆沮在涇水之東故孔以為洛水一名漆沮水經沮水出北地直路縣東入洛又曰鄭渠在太上皇陵東南濁水入焉俗謂之漆水又謂之漆沮其水東流注于洛水志云在馮翊懷德縣東南入渭以水土驗之與毛詩古公自土沮漆者別也彼漆即扶風漆水彼

沮則未聞渭案此說是也本疏引扶風漆水蓋未定之論失於刊正耳詩大雅民之初生自土漆沮傳云沮水漆水也周頌猗與漆沮潛有多魚傳云漆沮岐周二水也此皆謂扶風之漆沮而林少穎以猗與漆沮釋漆沮既從恐非小雅瞻彼洛矣傳以為宗周漑浸之水亦不言洛即漆沮謂漆沮亦曰洛水實自安國書傳始而關駟酈道元從之孔穎達復援以釋詩于是洛與漆沮合而為一水矣其濁水上承雲陽大黑泉名漆沮水者乃土俗之稱而洛水之為漆沮則先儒皆以為然故顏師古注漢書亦用其說然直路之沮自櫟陽縣界合蜀水分為二水一循鄭渠而東注洛其間二百餘里實鄭國之所鑿漢志云沮入洛亦據既有鄭渠後言之耳自鄭渠一廢而濁水絕于

三原沮水不抵富平可見此水在古時元合濁水至
櫟陽入渭而不與洛通也程大昌雍錄謂禹貢漆沮
惟富平石川河正當其地確不可易

地理今釋漆水源出陝西西安府同官縣北高山流
經縣城東合同官水西南至耀州屬西與沮水合沮水
出陝西延安府中部縣西南流經宜君屬延同官二縣
境至耀州城南會漆水東流入富平縣屬西界名石川
河又南流至臨潼縣屬西北交口鎮入渭水

澧水攸同

雖指傳曰澧水所同同之於渭地理志澧水出扶風
鄠縣東南北過上林苑入渭渭案鄠縣今屬陝西西
安府其故城在今縣北二里上林苑在今長安縣西
南澧水至咸陽縣西南入渭詩曰豐水東注維禹之

績言同於渭也 澧一作豐又作鄠漢志扶風鄠縣

古國有扈谷亭扈夏故所伐鄠水出東南又有潏水
皆北過上林苑入渭水經無澧水之目其附見渭水
篇中者曰渭水自槐里縣故城南槐里今為興平縣在而又

東合甘水水出南山甘谷北流至鄠縣合潏又東豐水從南來

注之地說云渭水與豐水會于短陰山內水會無他
高山異巒所有唯原阜石激而已漢書音義張揖曰
鄠水出鄠縣南山鄠谷北入渭長安志豐水出長安

縣西南五十五里終南山豐谷其源闊一十五步其
下闊六十步水深三尺自鄠縣界來絡縣界由馬坊
村入咸陽合渭水咸陽縣在西安昔文王作豐武王治鎬

詩詠其事鄭康成云豐在豐水之西鎬在豐水之東
地理今釋澧水源出今陝西西安府鄠縣東南終南

山自柴閣而下至咸陽縣東南入渭水

荆岐既旅終南惇物至于鳥鼠

錐指傳曰此荆在岐東非荊州之荆終南惇物鳥鼠三山名正義曰治水從下自東而西先荆後岐荆在岐東也地理志云禹貢北條荆山在馮翊懷德縣南三山空舉山名不言治意蒙上既旅之文也地理志云扶風武功縣有太一山古文以為終南垂山古文以為惇物皆在縣東渭案鳥鼠在今陝西臨洮府渭源縣西渭水出焉

地理今釋終南山在今陝西西安府長安縣南五十里東至藍田縣西至鳳翔府郿縣綿亘八百餘里惇物山漢書地理志右扶風縣武功注大壹山古文以為終南垂山古文以為惇物皆在縣東武功今陝西

鳳翔府郿縣考圖志不載是山胡渭禹貢錐指以為太乙之北峰在縣東四十里者是也

原隰底績至于豬野

錐指傳曰下濕曰隰豬野地名正義曰地理志云武威縣東北有休屠音除澤古文以為豬野澤鄭元以為詩云度其隰原即此原隰是也原隰豳地從此致功西至豬野之澤也渭案今西安府邠州及三水縣皆豳地漢武威縣屬武威郡今為陝西行都司鎮番衛地休屠澤在衛東北

三危既宅三苗丕敘

錐指傳曰西裔之山已可居三苗之族大有次敘正義曰左傳稱舜去四凶投之四裔舜典云竄三苗于三危是三危為四裔之山也地理志杜林以為敦煌

郡即古瓜州昭九年左傳云先王居禱杙于四裔故允姓之姦居於瓜州杜預云允姓之祖與三苗俱放于三危瓜州今敦煌也傅氏曰三危既宅此治黑水之成功也渭案漢敦煌唐分為瓜沙二州水經注云三危山在敦煌縣南括地志云在沙州敦煌縣東南四十里山有三峯故名亦名卑羽山今為嘉峪關外廢沙州衛地衛本屬行都司後弃之化外治黑水及三危而止兼有濬畎澮之事故言山以包之自豬野至黑水中隔弱水弱水先已治故豬野功畢即繼以黑水也三苗今為湖廣岳州府地吳起曰三苗之國左洞庭右彭蠡是也舜臣堯竄其君及民於三危至是禹安定之正義云三危山必是西裔未知山之所在鄭元引地記書曰三危之山在鳥鼠之西南當岷山則在積石之

西南地記乃妄書其言未必可信要知三危之山必在河之南也渭案水經注兩引山海經以證尚書之三危一云三危之山三青鳥居之廣圓百里在鳥鼠山西見第四十卷末一云三危在燉煌南與岷山相接山南帶黑水見第三十卷末輿地記略同鳥鼠之西南當岷山則在今臨洮府南岷州衛北矣又云在積石之西南殊不可曉山南帶黑水蓋以扶州之黑水出素嶺山入白水者當之也妄言無疑三危山自當以在沙州者為是後魏書太平真君六年討吐谷渾杜豐追被曩度三危至雪山即沙州之三危也肅州舊志云白龍堆沙東倚三危北望蒲昌是為西極要路推其地望可以得三危之形勢矣

浮于積石至於龍門西河會于渭汭

雖指傳曰積石山在金城西南河所經也沿河順流而北千里而東千里而南龍門山在河東之西界正義曰地理志云積石山在金城河關縣西南羗中龍門山在馮翊夏陽縣北渭案漢河關縣在今陝西西寧衛西南塞外夏陽今西安府之韓城縣也會於渭汭今韓城縣北龍門山南是其地也

地理今釋積石山在今河州北一百二十里水經注謂之唐述山括地志云山勢峭拔下臨黃河其西五十里有積石關唐置積石軍於此山海經云積石山在金城河門關西南

境中漢之河關縣今之河州杜佑通典云禹施功自積石山而東今西平郡龍支縣今西寧衛地與河州接界界山是也案諸家言積石者

多以此為小積石別有大積石去此尚千餘里其說蓋本於漢書西域傳謂河源出于闐北流與葱嶺河

合東注蒲昌海潛行地下南出于積石為中國河之文其實禹施功之始即此積石更無所謂大積石也歐陽志輿地廣記云班固所載張騫窮河源事乃意度之非實見蒲昌海與積石通流其言甚正蓋河源在吐蕃境漢時吐蕃未通中國武帝以于闐山出玉案古圖書乃名河所出為崑崙後人遂并積石亦失其實耳于闐東流之水古名玉河葱嶺之水名新頭河見法顯佛國記總與河源無涉至水經并云積石在葱嶺之北則又失之遠矣或議杜佑主龍支之積石謂因唐置積石軍于澆河故城而誤考後漢書郡國志隴西郡河關縣積石山在西南又桓帝紀燒當羗叛段熲追擊于積石注即禹貢導河積石在鄯州龍支縣南是河州積石之名非始于唐矣蔡氏據杜氏說釋經最當 龍門山在今陝西西安府韓城縣

東北五十里大河之西東與壺口隔水相望
織皮崑崙析支渠搜西戎即敘

雖指頽氏曰崑崙析支渠搜三國名也渭案三國皆
西戎而西戎不止于三國三國乃西戎之大者皆來
入貢則其餘無不賓服故曰西戎即敘

地理今釋崑崙西戎國蓋附近崑崙山者案鄭康成
云衣皮之民居此崑崙析支渠搜三山之野者是崑
崙析支渠搜皆本山名而因以為國號也析支今西
蕃在陝西臨洮府河州西應邵曰禹貢析支屬雍州
在河關之西東去河關千餘里羗人所居謂之河曲
羗也唐書党項傳曰党項漢西羗別種其地古析支
東距松州西葉護南春桑迷桑等羗北吐谷渾渠搜
涼土異物志云古渠搜國在大宛北界隋書西域傳

云鏐汗國

文獻通考云鏐汗國東去瓜州五千五百里

都葱嶺之西五百餘里古

渠搜國渠搜當在西域非朔方也傳寅禹貢集解云
陸氏曰漢志朔方郡有渠縣武紀云北發渠搜是也
然考漢朔方之渠搜非此所謂渠搜此亦當是金城
以西之戎也後世種落遷徙故漢有居朔方者當禹
時渠搜居朔方則不應浮積石陸說非也

胡氏渭曰雍州為興區神皋后稷始封於郃

一作駘又作釐

劉處幽太王徙岐文王作豐武王治鎬及扈崇密須
之封皆在焉春秋時可考者號

文王弟所封曰西號

周召畢豐鄭

初封咸林之地漢為鄭縣屬京兆今華州是

秦芮梁崇密驪戎白狄晉

西境是

凡十四

國戰國時屬秦而魏趙亦兼得其地秦并天下置內
史上郡北地九原隴西雲中

西南境唐榆林郡是

漢以其地之西

偏置涼州

領郡十漢志云改雍曰涼

而三輔則領於司隸後漢並因之

魏分置秦州晉又分置雍州領郡國七治京北涼州領郡國八治武威秦州領郡六治上郡唐
 為京畿之京兆府雍州華陰華馮翊同扶風岐新平郡
 等郡關內道之汧陽隴安定涇彭原寧安化慶平涼
 原靈武靈五原鹽寧朔宥洛交廊中部坊延安延咸
 寧丹上郡綏銀川銀新秦麟朔方夏九原豐榆林勝
 安北大都護府分豐勝二州界置等郡隴右道之天水秦隴西渭金城
 蘭會寧會安鄉河臨洮洮和政岷寧塞廓西平鄯武
 威涼張掖甘酒泉肅晉昌瓜燉煌沙伊吾伊交河西
 北庭庭州後為都護府安西都護府等郡案以上通典所列伊吾交
 河北庭安西自古為戎狄不在禹貢九州之限又河
 湟之間吐谷渾故地未嘗為郡縣故不入雍域以今
 輿地言之陝西臨洮平涼慶陽延安鳳翔五府其西
 安府則唯商州洛南山陽鎮安商南鞏昌府則唯鳳

縣兩當徽州成縣階州文縣為梁域餘皆屬雍又榆
 林衛寧夏衛寧夏中衛及靖遠岷州洮州三衛行都
 司所領甘州莊浪等諸衛所其在化外者南至西傾
 積石西踰三危北抵沙漠皆古雍州域也
 右禹貢豫梁雍三州

五禮通考卷第二百三

淮陰吳玉搢校字

五禮通考卷第二百四

內廷供奉禮部右侍郎金匱秦蕙田編輯

翰林院編修嘉定錢大昕

參校

李燾總督直隸右都御史桐城方觀承同訂

按察司副使元和宋宗元

嘉禮七十七

體國經野

書禹貢導岍及岐至于荆山逾于河

錐指傳曰三山皆在雍州河謂梁山龍門西河正義曰地理志云吳岳在扶風汧縣西古文以為汧山岐山在美陽縣西北荆山在馮翊懷德縣南蘇氏曰逾者禹自荆山而過於河也孔氏以為荆山之脈逾河而為壺口雷首者非是渭案導者循行之謂導山猶曰隨山蘇氏云自此以下至敷淺原皆隨山之事是也導山時尚未施功先儒皆以此為通水曰導山之

澗谷而納之川殊失經旨汧縣今為鳳陽府之隴州
 州南三里有汧縣故城岍岐荆並在河西渭北禹首
 導此三山而逾河以抵壺口則冀州之所先治者其
 規畫早定于胸中矣 岍一作汧說文有汧字而無岍字汧縣唐為
 汧源縣隴州治明省縣入焉周禮雍州山鎮曰嶽山
 漢志以吳山為雍州山是吳山即嶽山也爾雅河南
 華河西嶽河東岱河北恒朱長孺云商周之世疑以
 岍為西嶽故也爾雅職方皆名嶽山吳山漢志雖云
 在縣西而岡巒綿亘延及其南與嶽山只是一山自
 周尊岍山曰嶽山俗又謂之吳山或又合稱吳嶽史
 記遂析嶽山與吳嶽為二山而岍山之名遂隱其實
 此二山者周禮總謂之嶽山禹貢總謂之岍山當以
 漢志為正蘇傳引晁氏說又謂今隴山天井金門秦

嶺皆古之岍山不知何據 漢志美陽縣下云禹貢
 岐山在西北中水鄉周太王所邑詩曰率西水滸至
 於岐下又曰彼徂矣岐有夷之行是也水經注岐水
 逕周城南城在岐山之陽而近西所謂居岐之陽也
 非直因山致名亦指水所稱矣又歷周原下北則中
 水鄉成周聚故曰有周也水北即岐山矣今案岐山
 一名天柱山其峰高峻狀若柱然國語周之興也鶯
 鷲鳴於岐山故俗呼為鳳凰堆山之南周原在焉詩
 所稱周原膺膺者也東西橫亘肥美寬平在今岐山
 縣東北四十里 荆山有三一在雍域襄德北條之
 荆大禹鑄鼎處也一為荊豫界臨沮南條之荆卞和
 得玉處也一在豫域與禹貢無涉漢郊祀志公孫卿
 曰黃帝采首山銅鑄鼎於荆山下案唐志號州湖城

縣有覆釜山一名荆山元和志山在縣南即黃帝鑄鼎處晉灼以為在馮翊懷德縣非也湖城元省入閩鄉縣山今在縣南二十五里縣屬河南府陝州韓愈詩云荆山已去華山來日照潼關四扇開李商隱詩云楊僕移關三百里可能全是為荆山即此山也蘇傳以此為北條之荆因晉灼而誤

壺口雷首至於太岳

錐指傳曰三山在冀州太岳上黨西正義曰地理志云壺口在河東北屈縣東南雷首在河東蒲坂縣南太岳在河東菟縣東是三山在冀州以太岳東近上黨故云在上黨西也渭案漢上黨郡今山西潞安府是蒲坂今為平陽府之蒲州其故城在州東南漢縣舜所都也餘見冀州

胡氏渭曰

在今蒲州南一名首陽山詩唐風

采芩采芣

之顛論語伯夷叔齊餓于首陽之下

馬融曰首陽山在蒲坂河曲之中寰宇記云首陽即雷首之南阜也或曰首山漢地理志蒲反有首山祠郊志帝采首山銅即此亦稱獨頭山闕駟曰首陽山一名頭山夷齊所隱也又名襄山穆天子傳云東巡自河一曰襄山又名薄山穆天子傳云登薄山冥軫澄史記封禪書云薄山之襄山也又名堯山漢志蒲反有堯山水經注云雷首山臨大河北坂三十里俗亦謂之堯山也又名中條山元和志云雷首一名中條在河東縣南十五里永樂縣北三十里寰宇記云山在芮城縣北十五里亦曰薄山也又崑山寰宇記云堯山在河東縣南二

八里即雷首山山有九名亦即陟山湯伐桀升自
注在河曲之南即此也括地志云此山西起雷首
至吳坂長數百里隨地異名通典云雷首在今河東
縣此山凡有八名歷山首陽山薄山襄山甘棗山中
條山渠豬山獨頭山也蒲州新志首陽山在州南四
十五里又中條山在州南十五里山狹而長西起
雷首迤邐而東直接
跨芮城平陸北跨臨晉
解州安邑夏縣聞吾垣曲諸境凡數百里平陸之北
有數峰攢立拱對州城在州南十五里中高旁下俗
名為筆架山又南五里為八盤山又南十里為麻谷
山又南為鳳凰山去州七十里與潼關相對為中條
南麓盡處今據雷首之脉為中條亦盡入巨曲王屋
在焉禹至此顧不東行而北抵太岳

也 太岳即 八名霍太山在平陽
十里及岳陽 凡十里趙城縣東
周禮冀州山鎮 山漢志河東彘
東冀州山是也爾雅西方之美者有霍
稱景霍晉語宰孔曰景霍以為城韋注
名晉山名今在河水彘史記周武王
紂使北方還無斤欵乃為壇於霍太一而
經注汾水南過永安縣西故彘也又
水出東北太岳山禹貢所謂岳陽即太
岳廟世靈汾水又南逕霍城東故霍國 又逕趙
西南穆王以封造父趙氏自此始元和 霍山一
太岳在霍邑東三十里今州治即霍邑以城也新
云山高百餘 長八十里周二百餘里 趙城

考卷二百四體國經野 四

陽北跨靈石人之中鎮渭案隋開皇十四年
霍山為冀州鎮之號曰中鎮蓋即山之
也降而為山歷耳閭百詩云崧高維
崧然而尚者維是四嶽之山非以太室
崧高也爾雅誤於三百篇後緣此遂實
嶽史公又出爾雅後并補注
是死忘却禹貢之太岳矣將亮
禮太室易曰崧高中岳曰益顯
曰然則周書無中嶽乎子曰周竹
中岳矣觀職方河內曰冀州鎮曰
宇宙便有此山黃帝正名百岳
主名山川又從而莫之下迄周秦
武帝以衡山遠移之祀于瀋霍山者
乎予最愛

鄭康成注大司樂四鎮五嶽取諸職方九州之山而
徧足少嫌其以嶽山為西嶽而不以霍山為中嶽又
嫌其大宗伯注乃襲爾雅雜以嵩高忘却大司樂注
殆由未善讀崧高之詩也哉

蕙田案閻氏以太岳即古之中岳其說甚辨

底柱析城至於王屋

錐指傳曰此三山在冀州南河之北東行正義曰地
理志云析城在河東濩澤縣西王屋在河東垣縣東
北地理志不載底柱底柱在大陽關東析城之西渭
案濩澤今為山西澤州之陽城縣其故城在縣西三
十里垣縣今為平陽府絳州之垣曲縣其故城在縣
西四十里大陽今為解州之平陸縣其故城在縣東
北皆漢縣也大陽關在今河南府陝州東王屋山在

今懷慶府濟源縣西北唐王屋縣地西與垣曲接界
 地理今釋底柱山在今河南河南府陝州東四十里
 大河中西北去山西平陽府平陸縣五十里析城山
 在今山西澤州陽城縣西南七十里王屋山在今河
 南懷慶府濟源縣西北九十里接山西平陽府垣曲
 縣及澤州陽城縣界山有三重其狀如屋

太行恒山至於碣石入於海

錐指傳曰此二山連延東北接碣石而入滄海正義
 曰地理志云太行山在河內山陽縣西北恒山在常
 山上曲陽縣西北太行去恒山太遠恒山去碣石又
 遠故云此二山連延東北接碣石而入滄海也渭案
 山陽今為河南懷慶府之修武縣其故城在縣西北
 上曲陽今為直隸真定府定州之曲陽縣其故城在

縣西地理志河南陝王縣西北有太行山山陽縣北
 有東太行山陝王今為河內縣其故城即今懷慶府
 治孔疏引山陽而遺陝王非也恒山北岳在今曲陽
 縣西北碣石見冀州海在碣石之東逾河為禹渡河
 則入海亦禹涉海也

地理今釋太行山延袤千餘里起於河南懷慶府濟
 源縣迤而東北跨山西河南直隸界

胡氏渭曰太行列子作太行則行讀如字亦可故陸
 氏兼存之太行一名五行山淮南子武王欲築宮於
 五行之山高誘注云太行山也河圖括地象曰太行
 天下之脊漢志以在陝王者為太行而在山陽者為
 東太行其太行之支峰乎又案金史地理志云濟源
 縣有太行山以沁水為界西為王屋東為太行則此

山實起於濟源蓋自河南懷慶府入山西澤州迤而東北跨陵川壺關平順潞城黎城武鄉遼州和順平定樂平以及河南之輝縣武安直隸之井陘獲鹿諸川界中皆有太行山延袤千餘里焉林少穎曰太行在今懷州之北連亘數州為河北脊以接恒岳程子謂太行千里片石衆山皆石上起爾朱子語錄曰太行山一千里河北諸州皆旋其趾潞州上黨在山脊最高處過河便見太行在半天如黑雲然舜典十有一月朔巡狩至於北岳傳云北岳恒山周禮正北曰并州其山鎮曰恒山注云在上曲陽爾雅恒山為北嶽管子曰恒山北臨代南俯趙漢書恒山北岳在常山郡上曲陽縣西北有祠并州山張晏曰恒山在西避文帝諱故改曰常山大同府渾源州南二

十里亦有恒山水經注云崞縣南面元嶽即此山也

州本漢雁門郡繁峙崞二縣

古北岳恒山歷代史志皆云在上曲陽並

無異論自宋世以恒山沒於遼從曲陽望祀之因廢曲陽之恒山而指此為禹迹近志謂與在曲陽西北者實一山然州距大茂約三百餘里雖或峰巒相接未可強合為一也北岳在曲陽又何疑焉閻百詩云後之建都于燕者以為曲陽在南渾源少北於方位宜余案孔氏詩崧高疏曰若必據所都以定方位則五岳之名無代不改何則軒居上谷處恒山之西舜居蒲阪在華陰之北豈當據已所在改岳祠乎此名儒之言也金世宗大定間或言今既都燕當別議五岳名不得仍前代太常卿范洪輒援崧高疏數語以對事遂寢明宏治六年兵部尚書馬文升建言北岳

當改祠渾源下禮部議侍郎倪岳持不可乃止修渾源州舊廟而祭祀仍在曲陽神宗十六年大同巡撫胡來貢疏請改北岳沈文端鯉為宗伯覆疏詳駁議者口塞

西傾朱圉鳥鼠至于太華

錐指傳曰西傾朱圉鳥鼠三者雍州之南山至于太華相首尾而東正義曰地理志云朱圉在天水冀縣南鳥鼠東望太華大遠故傳云相首尾而東也曾氏曰岍與西傾皆北條山故西傾不言導其文蒙於導岍渭案今鞏昌府伏羗縣南有冀州故城即漢縣也西傾鳥鼠太華並見前西傾在鳥鼠之西南鳥鼠渭水所出朱圉太華皆在渭水之南

地理今釋朱圉山在今陝西鞏昌府伏羗縣西南三

十里

熊耳外方桐栢至于陪尾

錐指傳曰四山栢連東南在豫州界正義曰地理志云熊耳山在弘農盧氏縣東嵩高山在潁州密高縣古文以為外方桐栢山在南陽平氏縣東南橫尾山在江夏安陸縣東北古文以為陪尾是四山接華山而相連東南皆在豫州界也朱氏鶴齡曰凡言至于者以相去之遠也太華去鳥鼠遠故曰至于則陪尾亦應遠觀經文導淮自桐栢東會于泗沂其為徐州之陪尾明矣渭案盧氏今屬河南府密高今為登封縣地平氏今為南陽府桐栢縣其故城在縣西北四十里安陸今屬湖廣德安府泗水今屬山東兗州府本漢魯國卞縣陪尾山在縣東也

地理今釋熊耳山在今河南府盧氏縣西南七十里
接陝西西安府商州晉上洛縣界熊耳雖有東西異名其實
一山故郭璞云在上洛班固云在盧氏蔡傳以班固
為非非也外方今中嶽嵩山在河南南府登封縣
北十里西接洛陽縣北接鞏縣東接開封府密縣界
綿亘一百五十里桐栢山在今河南南陽府桐栢縣
東一里東南接湖廣德安府隨州西接襄陽府襄陽
縣界陪尾山在今山東兗州府泗水縣東五十里案
孔傳云淮出桐栢經陪尾今德安府安陸縣北有橫
山漢志所謂橫尾山古文以為陪尾者也淮水不經
此山下吳澄書纂言曰唐志泗水縣有陪尾山泗水
出焉蓋此是也以橫尾為陪尾者非是
胡氏渭曰漢書武帝紀元封元年登禮嵩高置奉邑

名曰崇高地志潁川密高縣武帝置以奉太室山
是為中岳有太室少室山廟古文以密高為外方山
也左傳昭四年司馬侯曰四嶽三塗陽城太室太室
即嵩高也於四嶽外別言之亦可見嵩高時不為嶽
矣爾雅嵩高為中嶽蓋後人所附益耳後漢書熹平
五年復密高為嵩高韋昭曰嵩高有太室少室之山
山有石室故名戴延之西征記曰東曰太室西曰少
室相去十五里嵩高其總名也元和志云嵩高山在
告成縣西北二十三里唐汝陽城縣曰告成其故城在今登封縣東南四十里登封縣北
八里高二十里周一百三十里少室山在告成縣西
北五十里登封縣西十里高六十里周三十里渭案
古時皆指嵩高為太室而韋昭戴延之則兼二室並
稱然前賢題咏猶以太室稱嵩山而少室則仍其本

名故有嵩少之目其山東跨密縣西跨洛陽北跨鞏
 縣綿亘百五十里太室中為峻極峰左右列峰各十
 二凡二十四少室峰三十六先儒皆以嵩高為外方
 金吉甫曰嵩高世名中嶽安得與江夏內方相為內
 外哉據唐志陸渾山一名方山蓋古外方云此說非
 是嵩高當禹時未為中嶽即為中嶽而仍名外方與
 東岱西華南衡北恒一例理無可疑且陸渾方山亦
 何以知其為外方乎 詩大雅崧高維嶽峻極于天
 兼五嶽言之爾雅釋山曰山大而高崧郭璞注云今
 中嶽嵩高山蓋依此名邢昺疏云李巡曰高大曰崧
 此則山高者自名嵩本不指中嶽今之中嶽名嵩
 高或取此文以立名乎無正文故云蓋以疑之是亦
 不以詩之崧高為中嶽也自劉熙釋名云嵩字或為

崧則二字通作一字世遂以降神生甫專歸之中嶽
 文士錯解貽誤至今間有能正之者反以為非也

導嶓冢至於荆山

錐指傳曰漾水出嶓冢在梁州經荆山荆山在荊州
 正義曰梁州云岷嶓既藝是嶓冢在梁州也渭案後
 魏地形志華陽郡嶓冢縣有嶓冢山漢水出焉唐六
 典山南道名山曰嶓冢嶓冢縣故城在今陝西漢中
 府沔縣西南四十里西南接寧羗州界山今在州北
 九十里荆山在今湖廣襄陽府南漳縣西通典云南
 漢漳臨沮地有荆山也 嶓冢山孔傳不言所在之
 郡縣而正義引地理志以實之曰隴西郡西縣嶓冢
 山西漢水所出夫此水即嘉陵水之上源非禹貢之
 所謂嶓冢導漾東流為漢者也而班固以西縣之嶓

冢為禹貢之嶓冢謬矣自是以後言嶓冢者率依班氏如張衡西京賦云終南太一連岡乎嶓冢潘岳西征賦云面終南而背雲陽跨平原而連嶓冢玩其辭意皆主隴西而言司馬彪郡國志亦云漢陽郡西縣有嶓冢山無異議也自後魏正始中析沔陽地置嶓冢縣以表其山而名始著酈道元卒於孝昌二年上距正始置縣之時凡二十餘歲本朝典故生所親見而注水經不言豈事在成書之後不及追改抑亦因其晚出而疑之乎然漾水注引漢中記曰嶓冢以東水皆東流嶓冢以西水皆西流故俗以嶓冢為分水嶺作者亦似知班志之謬而以禹貢嶓冢為當在漢中也者不然於漢中記奚為詳及隴西之山邪由此觀之則魏收以前已有知嶓冢在漢中者不待地形

志出而後知也顏達豈未之考乎然班志雖以西縣

嶓冢為禹貢之山而養水則自繫氐道之下不言

某山養與漾通或作漾自水經云漾水出氐道縣嶓冢山而氐

道亦有嶓冢矣常璩華陽國志云東源出武都氐道縣漾山為漾水而氐道之嶓冢且有漾山之目矣郭璞注山海經云嶓冢今在武都氐道縣南酈道元注水經云東西兩源俱出嶓冢而同為漢水則似一山跨二縣之境而在西縣者為西源在氐道者為東源矣輾轉迷惑愈久愈譌說經者不能出其窠臼而禹貢之嶓冢幾不可問矣西縣故城在今壽州西南氐道今不知所在蓋自晉永嘉之亂隴西沒於氐羗郡縣荒廢常璩郭璞皆云氐道屬武都而晉志武都郡無之則此縣之不可考久矣要之二縣在隴西皆古

雍州域也而禹貢嶓冢乃梁州之山不應闌入雍域

故唯魏收所言為得其實

秦州之嶓冢與寧卷之嶓冢南北相距五六百里

地理今釋荆山在今湖廣襄陽府南漳縣西少北八

十里昭四年左傳荆山九州之險指此

內方至於大別

錐指傳曰內方大別二山名在荊州漢所經正義曰

地理志云章山在江夏竟陵縣東北古文以為內方

山也地理志無大別鄭元云大別在廬江安豐縣杜

預解春秋云大別闕不知何處或曰大別在安豐縣

西南左傳云吳既與楚夾漢然後楚乃濟漢而陳自

小別至於大別然則二別近漢之名無緣得在安豐

如預所言雖不知其處要與內方相接漢水所經必

在荊州界也蘇氏曰二別山皆在漢上蔡氏曰內方

在今荆門軍長林縣大別在今漢陽軍漢陽縣涓案

地理志六安國安豐縣下云禹貢大別山在西南鄭

杜說所自出正義謂志無大別何也安豐後漢屬廬

江郡其故城在今江南廬州府霍山縣西北竟陵故

城在今湖廣安陸府鍾祥縣南長林故城在今荆門

州東漢陽縣即今漢陽府治大別山在其東北水經

注所謂翼際山也左傳定四年自小別至于大別

杜預云禹貢漢水至大別南入江然則此二別在江

夏界水經注云江水東經魯山南古翼際山也元和

志魯山一名大別山

地理今釋內方山在今湖廣安陸府鍾祥縣西周迴

百餘里接荆門州界大別山一名魯山在今湖廣漢

陽府漢陽縣東北半里漢水西岸

岷山之陽至於衡山

雖指傳曰岷山江所出在梁州正義曰梁州云岷嶓既藝是岷山在梁州也地理志云衡山在長沙湘南縣東南曾氏曰岷嶓皆南條山故岷山不言導其文蒙於導嶓冢也吳氏曰蜀以西近江源者皆為岷山連峰接岫青城天彭諸山之所環繞皆岷也岷山之陽其山非一衡山南岳也在衡州衡陽縣北七十里南一峰曰岫嶠山自縣西北以至湘南縣東南皆衡山也渭案岷山地理志云在蜀郡湔氐道徼外湔氐道今為四川松潘衛山在衛西北衡山縣本漢湘南縣今屬湖廣衡州府唐志衡山縣有南岳祠元和志云岳廟在縣西三十里衡陽今府治也 古今言岷山者凡四處一在今四川松潘衛衛東南去布政司

七百六十里史記作汶山封禪書云自華以西名山七有瀆山蜀之汶山也漢書地理志云岷山在湔氐道西徼外江水所出蜀志秦宓曰蜀有汶阜之山江出其腹華陽國志云岷山一名沃焦山其附曰羊膊江水所出任豫益州記云大江泉源始發羊膊嶺下東南下百餘里至白馬嶺而歷天彭關水經注云岷山在蜀郡氐道縣即瀆山也又謂汶阜山在徼外江水所導隋志汶山在汶山郡左封縣唐悉州治東至冀州一百九十里今疊溪營西此皆謂在松潘者也一在今成都府之茂州州本冉駝國漢以其地置汶山郡治汶江縣晉改曰廣陽隋又改曰汶山山海經注云岷山在廣陽縣水經注云汶水出汶江道徼外嶓山至輪坂下元和志云汶山縣有汶山即岷山去青城山百里天色晴明望見

成都即龍山之南首張栻西岳碑云岷山在茂州列
 鷲村其跗曰羊膊也輿地廣記云岷山在汶山縣西
 北俗謂之鐵豹嶺王氏地理通釋云大渡河一名羊
 山江源出鐵豹嶺嶺即羊膊之異名也此皆謂在茂
 州者也一在成都府之灌縣縣本漢縣虎耶江原三
 縣地周武帝分江原置青城縣因山為名元和志云
 青城山在蜀州青城縣西北三十二里杜光庭成都
 記云岷山連峰接岫千里不絕灌縣青城山乃其第
 一峰也縣志云汶山在縣北三十里蓋即青城矣一
 在今陝西岷州衛衛本漢隴西郡地西魏置溢樂縣
 今衛治即其故城括地志云岷山在岷州溢樂縣南
 連綿至蜀幾二千里皆名岷山元和志云山在溢樂
 縣南一里此皆謂在岷州衛者也然則岷山最大志

家各就其所在言之陸游曰自蜀郡之西大山廣谷
 谿衍起伏西南走蠻箐中皆岷山也薛季宣曰今自
 岷洮松疊以南其大山峻嶺班班可考者皆岷山之
 隨地立名者耳此說是也觀漢志云山在徼外則固
 不可以湔氐一縣限之矣大抵岷山北起於溢樂實
 跨古雍州之境而南則訖於青城綿地千餘里與太
 行伯仲或專指在松潘亦非篤論然大江所出則必
 直氏道西徼外者也 舜典五月南巡守至於南岳
 傳云衡山也後漢志長沙郡湘南縣下云衡山在東
 南劉昭曰郭璞云山別名岫嶺湘中記云遙望衡山
 如陳雲沿湘千里九向九背迺不復見水經注云湘
 水北逕衡山縣東山在西南有三峰一名紫蓋一名
 容峰此處恐有脫誤或之荆州記云衡山有三峰一名紫蓋一名芙蓉容峰最為竦傑自遠

望之蒼蒼隱天故羅含云望若陳雲非清霽素朝不見其峰丹水湧其左醴泉流其右山經謂之岫巖山為南嶽也山下有舜廟南有祝融冢衡山東南二面臨映湘川自長沙至此七百里中有九向九背故漁者歌曰帆隨湘轉望衡九面山上有飛泉下映青林直注山下望之若幅練矣徐靈期南岳記云南岳周回八百里回雁為首嶽麓為足嶽麓在長沙故唐志潭州湘潭縣有衡山長沙記云衡山軒翔聳拔九千餘丈尊卑差次七十二峰最大者五芙蓉紫蓋石廩天柱祝融祝融為最高韓退之曰五岳於中州衡山最遠南方之山巍然高而大者以百數獨衡為宗顧璘遊衡山記云登祝融之顛俯視四極蒼然一色山川襟陳瑣細莫辨風自遠來其力甚勁候與地下絕殊比曉觀日出海體象洞見

近若疆中東餘游氛浩漫無際
過九江至於敷淺原

雖指傳曰敷淺原一名傅陽山在揚州豫章界正義曰地理志豫章歷陵縣有傅陽山古文以為敷淺原渭案漢志傅陽山傳讀曰敷今注疏本作博字之誤也晁以道云饒州鄱陽縣界中有歷陵故縣及傅陽山其說蓋近是通典云江州潯陽縣有蒲塘驛即漢歷陵縣也驛前有敷淺原原西數十里有敷陽山渭案唐武德八年於潯陽縣置蒲塘驛後改為場五代時楊吳升為德安縣今治故驛也杜佑以驛為漢歷陵縣不知何據豈因王莽改歷陵曰蒲亭而遂以蒲塘附會邪黃子鴻深疑之嘗為之辨曰漢志豫章郡領歷陵縣晉志歷陵與餘汗鄡陽俱割屬鄱陽郡

而柴桑則屬武昌郡不應歷陵反出柴桑之西也因
謂晁氏云歷陵在鄱陽者為是且曰吳志歷陵有石
印山即今饒州府之鄱陽山亦歷陵在鄱陽之一證
也今案鄱陽山在府治鄱陽縣西北一百五十里鄱
陽湖中亦名石印山鄱陽縣故城在今府城東六十
三里三國吳至隋皆為鄱陽郡治唐移於今所然則
府城西當即為故歷陵地敷淺原蓋在鄱湖之西落
星之畔也說文原高平之野人所登原固有山體故
謂之傅陽山猶疆梁原亦稱華原山杜氏析山與原
為二處非也朱子九江彭蠡辨曰今之所謂敷淺
原者為山甚小而庫不足以有所表見而其全體正
脉遂起而為廬阜則甚高且大以盡乎大江彭蠡之
交而所以識夫衡山東過一支之所極者唯是乃為

宜耳又答陳泰之書曰詳經文敷淺原是衡山東北
一支盡處意即今廬山若如晁氏說以為江入海處
所過之水又非特京口而已是其意以廬阜為敷淺
原也然此山高峻似不可名之曰原金吉甫云敷古
文作傅傅陽山在廬阜之西南則是敷淺原之陽也
蓋廬山雖高而其中原田連亘人民莫居所以有敷
淺原之名是亦善解矣然原田連亘要不過山中高
平之地耳若此者不一而足安得舉體而名之曰原
王耕野云敷淺原恐非廬山高平曰原而又名敷淺
則必平曠之地不為高山可知近朱長孺亦云傅陽
山漢志得之古文可據也朱子疑庫小不足表識繹
敷淺之名正不當求之高大蓋傅陽在古本高平之
地後人名之為山耳導江漢之山至大別敷淺原而

即止者以江漢至此合流赴海不煩彈力隨刊况導水合舉源流可以互見豈必求之山脈盡處邪此說是也今案水經注引孫放廬山賦曰潯陽郡南有廬山臨彭蠡之澤接平敞之原是廬山下固有平原也山今啞 德化星子二縣之境南唐改潯陽縣曰德化今為九江府治宋升德化之星子鎮為縣今為南星

康府治縣 落星石得名水經注云廬山之南湖中有落星石周迴百餘步高五丈今在城南五里湖中梁書王僧辯破侯景于落星灣即此地

子舊以為漢鄡陽地然鄡陽故城在今鄡陽縣西北一百二十里鄡湖之東北則都昌為是星子似非其地竊疑星子地本歷陵而敷淺原即孫放所謂平敞之原乃廬山東南之麓瀕于彭蠡澤者蓋柴桑故城在德化縣南九十里故蒲塘驛今為德安縣在德化縣西南一百五十里此必漢柴桑地西連武昌郡界故晉以柴桑屬焉而歷陵與鄡陽屬鄡陽郡歷陵

在柴桑之東鄡陽之西則唯星子可以當之

歷陵故治當在湖西今星

子縣地其境則跨湖而東宋元嘉初廢歷陵蓋取石印以東併入鄡陽而其西則併入柴桑故星子鎮屬德化耳

廬山盤基廣

大其陽必有平敞之原但曠衍無奇選勝者所不道而志家又因仍舊說不能詳考指言其狀耳以此求之庶不失朱子之意而又不即以高山為平原犯學者之所疑準諸地望揆諸經旨視晁氏為少優云

地理今釋敷淺原蔡傳遵用師說指廬阜為敷淺原而復以無可考據為疑何也廬阜在今江西九江府德化縣南山北隸南康府星子縣

蕙田案敷淺原漢志以為豫章歷陵縣之傳陽山水經亦云在歷陵縣西南後世求歷陵者或于德安或於鄡陽皆無定論獨朱子欲以廬山當敷淺原蔡九峰書傳主德安而兼

存朱子之說蓋疑而未決胡朏明雖指前後亦有兩說然當以後說為長蓋以星子當歷陵既與漢志相合而孫放廬山賦亦云臨彭蠡之澤接平敞之原則敷淺原實當為匡廬之支隴朱子之說本非無據至德安之傳淺原出於後人附會而鄱陽則又無山可以當之皆不足信

導弱水至於合黎

雖指傳曰合黎水名在流沙東正義曰顧氏云地說書合黎山名但此水出合黎因山為名也鄭元亦以為山名地理志張掖郡刪丹縣桑欽以為導弱水自此西至酒泉合黎又居延縣有居延澤在東北古文以為流沙如志之言酒泉郡在張掖郡西居延屬張

掖合黎在酒泉則流沙在合黎之東與此傳不合案經弱水西流水既至於合黎餘波入於流沙當如傳文合黎在流沙之東不得在其西也蘇氏曰合黎山名易氏曰甘州即漢張掖郡弱水出刪丹縣南山下合黎山在張掖縣西北二百里俗名要塗山薛氏曰弱水出吐谷渾界窮石山自刪丹西至合黎山與張掖河合渭案導亦循行之謂與導荷澤之導異禹治水或躬親其事或遣官屬往治之及九州功畢其水之大而切於利害者有九禹舟行從源至委核其治否故謂之導非疏濬決排之謂先儒皆以導為治夫治河先積石治江先岷山有是理乎經旨鬱而不明可歎也張掖郡今為甘州衛陝西行都司治酒泉郡今為肅州衛刪丹縣即今山丹衛居延故城在甘州

衛東北塞外其澤曰居延海弱水正流出合黎峽口而東北注之非經所謂流沙也

地理今釋合黎山亦名要塗山在今陝西甘州衛西北四十里縣延而西接高臺鎮彝二所界

餘波入於流沙

錐指傳曰弱水餘波西溢入流沙顏氏曰流沙在燉煌西林氏曰弱水溢其餘波以被於流沙猶導河澤被孟豬也薛氏曰流沙大磧也在沙州西八十里其沙隨風流行故名陳氏曰弱水之正者入合黎其餘則入于流沙也余氏曰大抵西北之地多是沙磧史書所謂河沙諸國佛書所謂沙界恒河沙是也沙則水滲而下如沙州以西山北之地即連流沙弱水滲其下也鄭氏曉曰弱水正派至於合黎過此無事疏

鑿矣其餘波入于流沙聽其流衍耳志合黎見其經流有所歸志流沙見其支流有所洩渭案弱水入流沙而謂之餘波蓋時遇衍溢則分泄於流沙不常入也其正流自合黎山峽口東北入居延澤故此云餘波

地理今釋流沙在今陝西嘉峪關外索科鄂模

即居延澤矣志

古文以為流沙以北東至賀蘭山西至廢沙州界幾南北千餘里東西數百里其沙隨風流行隨處有之

導黑水至於三危入於南海

錐指林氏曰三危距南海凡數千里禹導黑水至三危即得其故道遂從此以達南海蓋其間數千里不加人功修治故經載此水至於三危即曰入於南海也薛氏曰黑水至沙州燉煌縣經三危山流出徼外

書謂南流入海其當時之所見邪夏之西境極於流沙而知黑水之所歸則當時即敘之戎大略為可知也渭案黑水三危並見雍州梁之黑水別是一川非界雍之西者黑水自三危以北杜氏謂今已堙涸自三危以南則水行微外不可得詳亦莫知其從何處入南海也南海自揭陽以西至象林皆是經所謂海盡東海也唯黑水所入為南海故言南以別之

地理今釋三危山在大河南今陝西岷州衛塞外古壘州西西蕃界中雲南麗江府北河圖括地象云三危在鳥鼠西南與汶山相接黑水出其南鄭元云南當岷則在積石西南是也案今雲南大理府雲龍州西有三崇山一名三危瀾滄江經其麓有黑水祠或以為即古三危也然其地太南似未為的姑存備考導川黑水即今雲南之瀾滄江其源發於西蕃諾莫渾五巴什山分支之西曰阿克

必拉南流至你那山入雲南界東岐一支為漾備江

即程大昌所謂葉榆河

東南流分注大理府之西洱海經流入順寧

府境其正支南行絕雲龍江而東南至雲州屬順寧北之

分水嶺仍與漾備江合又南流至阿瓦國入南海

案金沙瀾滄一為梁州之黑水一為導川之黑水然

皆非四大水之黑水也昔人謂蕃名山川皆以形色

西南夷地水色多黑故悉蒙黑名如打冲金沙瀾滄

俱得稱黑水也而真黑水之源去瀾滄之西三百餘

里蕃名哈拉烏蘇色禽經蒙蕃怒彝猓猓界由緬甸

入南海即佛書所謂黑水出阿耨達山即大崑崙山在今達賴喇嘛界

是也禹迹之所不至蓋中國在阿耨達之東故名震

旦所入大水唯黃河一支可見黑水出阿耨達之東

實在中國之西南未嘗流入內地故從古無人知其

源委也 黑水之辨諸家紛如今考地圖禹貢之黑
水有三正不必強合水經注所謂黑水出張掖雞山
今甘至於燉煌今沙州此雍州之黑水也漢書地理志犍爲
郡縣南廣注云汾關山符黑水所出南廣今南溪縣北至熨道
入江今敘州府唐樊綽亦以麗江爲古黑水云羅些城北有
三危山羅些城在今麗江府北境其水從山南行上出吐蕃界薛季宣
謂瀘水爲黑水今打冲河引酈道元說黑水亦曰瀘水即若
水出姚州徼外吐蕃界中山海經黑水之間有若水
是也以麗江之說爲非不知打冲河至大姚縣即合
金沙江會流入岷江薛氏之說原與漢志相合此梁
州之黑水也宋程大昌以瀾滄江爲黑水李元陽黑
水辨亦云隴蜀無入南海之水唯滇之瀾滄足以當
之而元史載勸農官張立道使交趾並黑水以至其

國吳任臣山海經注亦以瀾滄爲古黑水此導川之
黑水也蓋雍州之黑水其源在黃河之北梁州及導
川之黑水其源皆在黃河之南有截然不相紊者第
以張掖燉煌尚在內地可以尋源而求而推其委而
不得遂託爲越河伏流之說夫崑崙爲地軸其山根
連延起頓包河南接秦隴直達長安爲南山黑水自
燉煌而南縱可越大河之伏流其不能越河以南之
南山也明矣若狃于雍州三危既宅之說此是言雍
州分域以內今終南鳥鼠皆在河之南而三危更在
鳥鼠之南書疏鄭康成引地記云三危在鳥鼠之西南當岷山要知禹貢導川之三危必在河之南非窟三苗之三危也其與
雍州之黑水又何涉邪然主瀘水麗江瀾滄之說者
亦皆以意度未能確指水之分合不知瀘水麗江源
異而流同麗江瀾滄源近而流別分合言之梁州之

黑水有兩支而與導川之黑水實出一地也而古未有及之者蓋以二水僻在蕃界隔蔽南山阻奧從古未通中國即魏之法顯唐之玄奘元世祖之南征邱處機之西遊皆繞出崑崙以外歷西域諸國至於滇南總未嘗經其地但從入中國之支流以古今分域配之料約為某水某水而已今海內一統西南徼外咸入版圖爰遣使臣徧歷其地究源討委寫圖以誌支派經絡瞭如指掌諸家浮說有折衷矣

李氏紱黑水攷禹貢之水不趨東海者二弱水西行而黑水入南海也程氏論黑水三條未能得黑水之實其駁隋志扶州黑水是矣扶州黑水既合白水注嘉陵江以入岷江與禹貢入南海之文全異自不得指為禹貢之黑水也其駁孔氏穎達所引酈氏水經

注則實未審漢四郡之形勢與黃河經行之地孔氏之說雖有可駁而所駁之者未中其窾則孔固失矣而程亦未為得也水經謂黑水出張掖雞山南流至燉煌過三危山南流入於南海程氏謂其說雖出許慎而道元增益以入南海向入南海乃禹貢本文增無害也杜佑誤合於南海之符黑水則佑自失耳酈不失也孔氏疑黑水不能越黃河而南謂自積石以西河多伏流故得越河入南海程氏詆其巧而駁其誤謂張掖者甘州而燉煌者沙州甘沙之水皆入積石河河流既東已非南向又河源出于闐南山之北是山岡麓東行南接秦隴直達長安幾近萬里何理可以越之而入南海至河之下流與甘沙對岸為秦河南地其大川為洮洮既北入於河縱有伏流不能

逆行南上其說似辯而實非也考漢武所開四郡並在黃河之西惟武威為今涼州與黃河稍近由涼州西北行至甘州去黃河已一千四百餘里又西行四百餘里為肅州則漢之酒泉也去黃河近二千里由肅州出嘉峪關西北行千三百餘里而後至哈密由哈密西北行八百里而至吐魯番吐魯番西二百餘里為玉門關又西二百餘里為陽關考漢書燉煌郡所屬龍勒縣陽關玉門關在其地杜林以燉煌為古瓜州地生美瓜則舜竄三苗之地所謂與允姓之戎同居瓜州者也瓜州之西為沙州唐書稱沙州燉煌郡黑水所經之三危山在焉今方輿路程圖河源當西十九度而陽關當西二十六七度之間是黑水所經在河源崑崙西偏千六百里之遠距黃河東北行

之道已二三千若洮河在陝西內地則相距六七千里矣蓋黑水在甘州發源時已與黃河下流相遠其流至三危則繞出河源崑崙之西河流已無庸度越况洮水與秦隴諸山又豈能限之也哉至謂甘沙之水並入積石河則甚不然沙州之水距黃河絕遠固無入黃河之理即甘肅之水亦無入黃河者攷古地圖甘涼之間惟浩疊水由湟水入河今方輿圖所載惟涼州以南有大通河及莊浪河由苦水堡入於黃河而已若涼州以北則皆西北流無入黃河者况甘沙二州之水絕遠者哉古今山川異名固難求其必合然方隅形勢猶可尋也張掖雞山之水漢唐諸史俱無其名以今方輿路程圖攷之甘州惟有一大川名曰黑河發源於馬營墩堡山中西北行四百餘

里至古城堡抱甘州城東北歷黑泉諸堡西北行六
百餘里至金塔寺堡出長城外北行四百里至都崑
崙河又百餘里入於索科鄂謨鄂謨者池澤之名疑
即舊圖所謂蒲昌海者其地在哈密之南瓜州之東
甘州之水無大於此者既有黑河之名所歷又以黑
泉名堡豈即許慎所謂雞山黑水者耶或疑其水既
西北行又入於沙澤無入於南海之跡未敢遽指為
禹貢之黑水然三危之山漢書唐書咸以為在燉煌
燉煌為古瓜州地三苗所居實生美瓜今瓜之美無
出哈密右者蓋哈密即古瓜州也其西有大鳴沙山
至唐武德二年始分為沙州而以燉煌為之屬縣三
苗三危既在其地則舍甘州黑河別無所謂禹貢之
黑水矣其水雖入於沙澤無南行之跡然甘肅瓜州

之地數千里皆沙也地稍低者即匯為澤而水入焉
案舊輿圖西番之西大流沙之南湧出一澤名曰嘉
河南流為潞江至永昌騰越境內稱為南金沙江由
阿瓦緬甸入於南海其水盛大深黑人有稱為黑水
河者以今方輿路程圖考之則嘉湖即今西番大池
名哈拉努爾色楞格者其水流為大川南行千九百
里經鄂斯拉達巴罕名黑水江入怒彝境又南行六
百里入雲南境經怒山之西更名怒江又南行八百
里經永昌府西境更名潞江又南行三百里至潞江
安撫司其地當騰越州正東三百餘里皆雲南內地
土人稱為南金沙江自騰越西南行三百里入阿瓦
界經緬甸凡千餘里入於南海若以甘州黑河為黑
水之源此黑水江為黑水之委則北起雍州之西北

南盡梁州之西南其為二州之界可無遺憾而三危
三苗俱在瓜沙二州更無疑竇若疑甘州黑河既西
北流其入沙之地當經度之四十一度而嘉湖當三
十一二度中間相距近二千里入彼出此恐難確定
然沈水逾河至溢為滎澤又出陶邱北東西相距六
七百里其水無色可辨神禹尚能定其為沈水所溢
况黑水與他水不同顏色深黑南北相望禹豈不能
確定其源流乎程氏大昌以葉榆水指為黑水謂榆
葉漬水而黑固出臆揣數千里大川豈木葉所能黑
滇池黑水祠去勞廣諸水甚遠考水經葉榆澤在漢
益州郡葉榆縣經不韋縣入牂牁郡過交趾麋冷縣
入海自源竟委無一字及於黑水似難憑信不韋為
古哀牢國以今方輿路程圖考之蓋即所謂瀾滄江

也其水發 一番阿克必拉疑即古之勞水南行千
六百里始名瀾滄江迤蒙番東境又南行千里入雲
南小甸又南行八百里經永昌府西境則哀牢山在
焉又南行千六百里經永順威遠二府至車里宣慰
司名九龍江入阿瓦老撾二國境入於南海其水源
委甚長似足以當黑水然自發源以至雲南行三千
餘里並無黑水之名至西洱河來會洱河之源始稱
黑水其源近出雲南與雍州絕遠中隔岷峨諸山亦
無與甘州黑水相通之理必非禹貢之黑水程氏乃
以為足界兩州誤亦甚矣程氏又謂葉榆在蜀正西
東北距宕昌不遠宕昌即三苗種類以為與三危之
敘三苗相應則其誤尤甚夫三危之在燉煌三苗之
在瓜州自古訖今別無異說燉煌瓜州在雍州西北

宕昌在雍州西南相去二千餘里妄指宕昌以為三苗又用三苗以影附三危豈有當哉禹貢謂黑水西河惟雍州西河者龍門之河以其在冀州之西也然雍州西南境外是雍州西北南三面俱無疆界必不然矣如以絕無黑水之名之瀾滄江為足以當黑水又不如徑指潞江為黑水其源流既與瀾滄相等又實有黑水江之名尚略有依據也

右禹貢隨山濬川

五禮通考卷第二百四

淮陰吳王楷字

五禮通考卷第二百五

內廷供奉禮部右侍郎金匱秦蕙甫編輯

翰林院編修嘉定錢大昕

參校

李杰總督諫都御史桐城方觀承同訂

按察司副使元和宋宗元

嘉禮七十八

體國經野

書禹貢導河積石至于龍門

雖指傅氏曰自積石至于龍門計應三千餘里龍門而上積石而下禹功所不加也

南至于華陰

雖指河自龍門南流至華州北而東行易氏曰河自龍門口又二百里至陝州之西北對河為華州華陰縣蔡氏曰華陰華山之北也

東至于底柱

錐指傳曰底柱山名河水分流包山而過山見水中若柱然在西號之界渭案西號今河南府之陝州是也底柱在州東四十里黃河中

又東至于孟津

錐指傳曰孟津地名在洛北都道所湊古今以為津正義曰在孟地置津謂之孟津傳云地名謂孟為地名耳杜預云孟津河內河陽縣南孟津也在洛陽城北都道所湊古今常以為津武王渡之渭案河陽本晉邑漢置縣屬河內郡其故城在今河南懷慶府孟縣西南三十里

東過洛汭至于大伾

錐指傳曰洛汭洛入河處山再成曰伾至於大伾而北行正義曰洛入河處河南鞏縣東也鄭元云大伾

在修武武德之界張揖云成臯縣山也漢書音義有臣瓚者以為修武武德無此山也成臯縣山又不一成今黎陽縣山臨河豈不是大伾乎瓚言當然程氏曰黎陽山在大河垂欲北趨之地經之於河方其自南而東嘗即華陰以記折東之始今其流東已遠垂欲折北亦當以地之極東者記之參揣其叙則黎陽實為極當而成臯則為太早也渭案鞏縣漢屬河南郡其故城在今河南府鞏縣西南三十里修武武德漢屬河內郡修武故城在今衛輝府獲嘉縣西北武德故城在今懷慶府武陟縣東成臯漢屬河南郡其故城在今開封府鄭州汜水縣西北黎陽漢屬魏郡其故城在今大名府濬縣東北大伾山在縣東南二里

地理今釋大伾山亦名黎山在今直隸大名府濬縣東南二里周五里

北過降水至於大陸

錐指傳曰降水水名入河渭按宋張洎云降水即濁漳也字或作絳地理志上黨屯留縣下云桑欽言絳水出西南東入海酈道元引此文作入漳云絳水發源屯留下亂漳津與漳俱得通稱也通典云漳水橫流而入河在今廣平郡肥鄉縣界大陸地名見冀州河渠書云禹道河至於大伾以為河所從來者高水湍悍難以行平地數為敗乃廝二渠以引其河北載之高地過降水至於大陸二渠其一為漯川自黎陽大伾山南東北流至千乘入海其一則河之經流自大伾山西南折而北為宿胥口又東北逕鄴縣東至

列人斥章縣界合漳水是為北過降水溝洫志王橫曰禹之行河水本隨西山下東北去周譜云定王五年河徙則今所行非禹之所穿宜更開空使緣西山足乘高地而東北入海即此道也水經所叙漳水自平恩以下皆禹河之故道河自斥漳又東北逕平恩曲周以至鉅鹿其西畔為大陸也漢鉅鹿縣唐為平鄉鉅鹿二縣屬邢州今屬順德府鉅鹿故城即今平鄉縣治

地理今釋降今本作洛水出今山西潞安府屯留縣西南八十里盤秀嶺至潞安府潞城縣入濁漳水而濁漳水由是亦名降矣

胡氏渭曰禹河自汲縣東北流入黎陽縣界至大伾山西南折而北為宿胥口蘇代曰決宿胥之口魏無

虛頓邱虛在朝歌界

今濬縣西南有古朝歌城本殷虛

頓邱在黎陽界

今濬縣西

有頓邱故城本衛邑

時河已徙而東宿胥口塞故秦欲決之以灌

二邑水經河水注云自淇口東至遮害亭

亭在濬縣西南五十里

又

有宿胥口舊河水北入也淇水注云淇水東流逕枋

城南

在今濬縣西南

右合宿胥故瀆瀆受河於頓邱縣遮

害亭東黎山西句北會淇水處立石堰過水令更東

北注魏武開白溝因宿胥故瀆而加功故蘇代曰決

宿胥之口魏無虛頓邱即指是瀆也淇水又東北逕

雍榆城南

在濬縣西南

又東北逕同山東

在濬縣西南四十五里

又北逕其

城東東北逕帝嚳冢西

元和志帝嚳陵在濬州頓邱縣北三十里

又北逕白祠山

東歷廣陽里逕顓頊冢西

元和志顓頊陵在頓邱縣西北三十五里

又北逕頓邱

縣故城西

在濬縣西

又東北逕枉人山東牽城西

湯陰縣志云枉人山在縣東南

二十五里與濬縣接界

又東北逕石柱岡

枉人山北連跨巨岡石柱之類也

又東過內黃

縣南為白溝也

即漢志清河

今案宋李垂上淇河形勢書請

自汲郡東推禹故道出大伾上陽三山之間復西河

故瀆即酈元所謂宿胥故瀆也濬縣舊志故瀆在縣

西十里亦曰西河蓋禹迹漢時則流經縣東又縣北

四十里有齊村相傳亦黃河故道也然淇水自東過

內黃縣南為白溝而向北之河道不可得聞據本注

云內黃縣故城右對黃澤即賈讓所見內黃界中有

澤方數十里環之有隄者也內黃故城在今縣西北

澤大方數十里當接安陽縣界疑此地亦禹河之所

經河徙乃鍾為黃澤耳昔殷王河亶甲居相其子祖

乙圮焉而又遷

書序仲丁遷於囂河亶甲居相祖乙圮於耿傳云相地名在河北祖乙亶甲子圮於相遷於耿河水毀曰圮

通典相州治安陽縣殷王河亶甲居相即其地元和

志相州內黃縣東南十三里有故殷城河亶甲居相

築此則禹河出內黃安陽之間明矣自此而北則為
 鄴東之故大河洹水注云洹水出山逕鄴縣南殷墟
 北竹書紀年曰盤庚即位自奄遷於此遂曰殷也據
 書序盤庚所遷之殷在河南與竹書異孔穎達云盤
 庚後王或有從河南亳地遷於洹水之南者非盤庚
 也今案楚語白公子張曰昔殷武丁能聳其德至於
 神明以入於河自河徂亳韋昭云從河內徙都亳也
 此必盤庚後王有自亳遷於奄者又有自奄遷於鄴
 南之殷者故武丁即位時殷都仍在河北尋復徂亳
 蓋亦圯而遷焉殷本紀曰武乙復去亳徙河北即紂都朝歌也武丁自
 鄴南復遷於亳至武乙則又自亳遷於朝歌淇水注引
 晉書地道記謂武丁遷居沫
 邑蓋誤以武乙為武丁耳禹河行臨漳之東又明矣自此東
 北歷成安至肥鄉而合漳是為北過降水也漳絳至
 此并為河矣及河南徙漳絳循河故道而下故東川

復有漳絳之目水經注漳水自斥漳縣南至銅馬祠

東寰宇記銅馬祠在鉅鹿北七里皆漢鉅鹿縣境也昔殷王祖乙遷於邢

杜佑云邢邢州今為順德府蓋亦瀕河之地故其後

盤庚又圯而遷於亳殷書序祖乙圯於耿作祖乙傳云圯於相遷於
 耿殷本紀云祖乙遷於邢其說不同按耿在

漢河東皮氏縣今為河津縣地傳直以圯為遷未安從史記較長抑或序圯於
 耿下脫遷於邢三字皇極經世云祖乙踐位圯於耿徙居邢此說是也仲丁河
 賈甲盤庚皆為遷事作書祖乙但圯而
 不遷何用作書其為遷邢而作無疑矣禹河行鉅鹿之東又明矣

以今輿地言之河自濬縣西南折而北歷內黃並屬直隸大名

府湯陰安陽臨漳並屬河南彰德府魏縣屬直隸大名府成安肥鄉曲周

並屬順德府平鄉廣宗至鉅鹿縣並屬順德府大陸澤在焉此即禹

河北過降水至於大陸之故道也

又北播為九河

雖指傳曰北分為九河以殺其溢在兗州界渭按徒
 駭與冀分水八枝皆在兗域

同為逆河入于海

雖指傳曰同合為一大河名逆河而入于渤海蘇氏曰逆河者既分為九又合為一以一迎八而入于海即渤海也薛氏曰河入海處舊在平州石城縣東望碣石其後大風逆河皆漸于海舊道堙矣渭案石城縣唐初析平州盧龍縣地置其故城在直隸永平府灤州南三十里

蕙田案東過洛汭至於大伾北過洛水至於大陸又北播為九河同為逆河入于海此廿九字中盡豫兗冀三州境內河所經行處矣洛汭在孟津之東即今鞏縣洛水從南來入河處也大伾在今濬縣洛水即清濁二漳水肥鄉曲周之境漳水入河處也大陸地名亦

澤名在今鉅鹿縣河從此東北行即分而為九九河在周已無其跡今著書家旁稽博考畧得其槩終不能一一實指其地惟北為徒駭即經流南為鬲津當不謬耳逆河即九河會為一河入海處以海潮逆上故名當在天津以東久為海水所沒無其地矣禹河初行之地此止就孟津以下言之在當時為冀豫兗三州之境以今地理言之則洛陽鞏縣原武陽武胙城皆在河之南濬縣內黃魏縣元城南宮冀州皆在河之東衡水武邑交河滄州又在河之南武陟獲嘉新鄉皆在河之北衛輝湯陰彰德臨漳成安肥鄉曲周鉅鹿新河皆在河之西東鹿深州武強獻縣大城青縣天津皆在河之

北此神禹初平水土大河所行境界也

附黃河考

河源發于崑崙

禹貢曰導河自積石司馬遷云言九州山川尚書

近之矣今日河源發於崑崙者從其可信者言之

也爾雅河出崑崙虛淮南子崑崙之墟河水出其

東北陬水經注亦曰崑崙墟河水所出自古言河

源者皆推本于崑崙史記大宛傳漢使窮河源出于闐天子按古圖書名河所出山曰崑崙漢書西南夷

傳河兩源一源葱嶺一出于闐鄭樵遂謂河有三源一出葱嶺一出于闐南山其正源自崑崙又山海經洛書緯及扶南傳皆曰河出崑崙唐

史長慶中劉元鼎為盟會使言河之上流由洪濟

橋亦曰洪濟城在陝西西寧衛西南行千三里水益狹冬春可涉夏

秋乃勝舟其南三百里有三山中高而四下曰紫

山直大羊同國今在西番古所謂崑崙者也虜曰悶

摩黎山東距長安萬五千里河源其間流澄緩下

稍合眾流水色赤行益遠他水并注則濁河源東

北直莫賀延磧尾今西番火州境有莫賀城隱測其地蓋劍南之西

元志至元十七年命招討使都實求河源實還報

謂河源出吐蕃朶甘思西鄙有泉百餘泓沮洳散

渙弗可逼視方可七八十里登高望之如列星然

是為星宿海也番名火敦腦兒羣流奔湊連匯二澤番名阿刺腦兒東

流曰赤賓河益引而東凡二三百里羣川次第流

合焉其流浸大遂名黃河然水淺可涉又東一二

百里岐為九渡河通廣五七里又東五百里水益

濁土人抱革囊乘馬以渡自是經兩山峽間廣可

一里二里或半里其深叵測至朶甘思東北有大

雪山番名亦耳麻不刺譯言騰乞里塔其山最高多積雪即崑崙也自

五體國經野

九度水至崑崙約二十日程崑崙山麓綿亘五百里河隨山足而東河源考河水北行至崑崙轉西北流又折而過崑崙北乃折而東北流又東北流千餘里有細黃河自西南來注之番名納鄰哈刺又東北四五百里至貴德州在西安衛西南又四百餘里至積石州即禹貢導河之處矣自發源入中國計六千餘里南北溪澗絡繹灌注莫知紀極崑崙之西人鮮少山平水漫其東益高地漸下至積石方林木暢茂世言河九折彼地有二折焉王氏鏊嘗言天下之山起于崑崙天下之水亦宜出于崑崙漢張騫歷西域諸國甚久東漢之世大秦條支安息至于海濱四萬里分重譯貢獻甘英嘗窮臨西海而還皆未覩所謂崑崙者元使所言何崑崙之近乎恐未可以一人之言廢千古之論也夫張騫固已鑿空

甘英亦非專使考劉元鼎之說參以都實所見河源庶幾一攷又曰河源本在西南張騫求之西北所謂差之毫釐謬以千里者歟

地理今釋崑崙山在今西蕃界有三山一名阿克坦齊禽一名巴爾布哈一名巴顏喀拉總名枯爾坤譯言崑崙也在積石之西河源所出案漢書地理志金城郡臨羗縣西北至塞外有西王母石室西有弱水崑崙山祠此蔡傳所據以為崑崙在臨羗者也然漢志言西有崑崙山祠非言山在縣界漢臨羗縣在今陝西西寧衛西崑崙山不當若是之近通典云吐蕃自云崑崙山在國中西南河之所出唐書吐蕃傳云劉元鼎使還言自湟水入河處西南行二千三百里有紫山直大羊同國古所

謂崑崙蕃曰悶摩黎山東距長安五千里河源其
閒蓋即今之枯爾坤也元史河源附錄云吐蕃朶
甘思東北有大雪山名亦耳麻不莫刺其山最高
譯言騰乞里塔即崑崙也案此即今蕃語所稱阿
木你馬勒產母孫大雪山也在星宿海東其山繇
亘三百餘里上有九峰最為高大黃河經其南又
遶其東北梁寅所謂河遶山之三面如玦然者但
如其言則崑崙轉在河源下流似未為的案地
圖河出今西番巴顏喀拉山東名阿爾坦河東北
流三百餘里合鄂敦塔拉諸泉源大小千百源錯列如星
元史所謂火敦腦兒即
星宿海也滙為查靈鄂靈二海子各周三百餘里東西相距五十餘里
元史所謂滙二巨澤名阿刺騰兒也
折而北經蒙古托羅海山之南轉東南流千餘里
南北受數十小水經烏藍莽乃山下有多母打禿

昆多倫河多拉昆多倫河自東南來入之

元史所謂納鄰哈刺乞兒

馬出二水也

自此折而西北流三百餘里前後小水奔注

不可勝計繞阿木你馬勒產母孫山之東

即元史所謂崑崙山也

流百五十餘里有齊普河呼呼烏蘇河自西來入

之又迤邐東北流三百餘里會哈克圖袞俄羅濟

水歷歸德堡

元史作貴德州

州入中國界過蘭州又折而東北經寧夏衛流出

塞外

河以內為河套地

又東南至延安府府谷縣入塞

南流至潼關衛又折而東由河南山東界至江

南淮安府安東縣入海

明氏謂曰崑崙國名蓋附近崑崙山者傳記言崑崙凡四處一在西域山海經云崑崙墟在西北河水出其東北隅釋氏西域記謂之阿耨達山水經注云按山海經自崑崙至積石一千七百四十里又引涼土異物志曰蔥嶺之水分流東西西入大海東為河源禹紀所云崑崙者是也一在海外大荒經云西海之南流砂之濱有大山名曰崑崙其下有弱水之淵環之此山與條支大秦國相近禹本紀云去嵩嵩五萬里者是也一在酒泉

漢志金城臨羌縣西北有西王母石室西有弱水崑崙山祠崔鴻十六國春秋云張駿時酒泉太守馬岌上言酒泉南即崑崙之體周穆王見西王母樂而忘歸謂此山也上有石室王母堂璣鏡鑄煥若神宮禹貢崑崙在臨羌之西即此明矣括地志云在酒泉縣西南八十里今肅州衛西南崑崙山是也一在吐蕃通典云吐蕃自云崑崙山在國中西南河之所出唐書吐蕃傳云元鼎使還言自湟水入河處西南行二千三百里有紫山直大羊同國所謂崑崙崙曰悶摩黎山東距長安五千里河源其間是也渭按酒泉在雍州之域不可謂西戎西海距玉門陽關四萬餘里而崑崙更在西海之南去積石太遠其非禹貢之崑崙國甚明西域吐蕃未知孰是吐蕃悶摩黎山以劉元鼎言計之東北距大積石不過千餘里浮河甚便然自唐以前未有言崑崙在羌中者何可深信西域之崑崙據山海經云至積石一千七百餘里則浮河亦不難蓋崑崙與析支渠搜皆在雍州之外禹治雍身歷其境三國聞風慕義爭先入貢其過化存神之妙有如此也

蕙田案崑崙國見于禹貢而崑崙山為河源見于山海經爾雅淮南子涼土異物志桑欽水經若其得之目擊者則唐書吐谷渾傳載任城王道宗侯君集次星宿川望積石覽觀河源吐蕃傳劉元鼎使還言自湟水入河處西南行二千三百里有紫山直大羊同國古

所謂崑崙虜曰悶摩黎山東距長安五千餘里河源其間元史地理志載招討使都實求河源在土番朶甘思西鄙有泉百餘泓名火敦腦兒譯言星宿海東北有大雪山名亦耳麻不莫刺譯言騰乞里塔即崑崙也地理今釋崑崙山在今西番界有三山一名阿克坦齊禽一名巴爾布塔一名巴顏喀拉總名枯爾坤譯言崑崙也在積石之西河源所出劉元鼎所見悶摩黎山蓋即今之枯爾坤也由此觀之則崑崙山當以唐書吐蕃傳為定蓋在西域之西南明矣夏西戎即唐吐番今之西番也禹貢崑崙析支渠搜顏氏云崑崙國蓋附近崑崙山者崑崙即在雍州之外則劉

元鼎所云東距長安五千餘里者近是而非如山海經水經所云矣案山海經之言崑崙也一曰槐江之山邱時之水出焉西南四百里曰崑崙之邱又曰海內崑崙之墟在西北又曰西海之南流沙之濱赤水之後黑水之前有大山名曰崑崙墟在西北去嵩高五萬里地之中也蓋山海經多出偽撰止因禹貢有崑崙之名而附以荒誕不經之語水經則又因山海經而附會之與史記禹本紀去嵩高五萬里者皆與大荒經相類乃胡朏明一求其地以實之愚矣

觀承案爾雅河出崑崙墟此言原不謬崑崙析支渠搜本見於禹貢所謂河源於崑崙者即此崑崙也導河只云自積石者就施功之始言之非以為源也西戎在崑崙之域者即以山名其國但崑崙甚大綿地甚遠後人窮河源而以為是星宿海非崑崙不知仍在崑崙之域耳崑崙第統言之星宿則別言之其實一也故唐書吐谷渾傳及吐蕃傳劉元鼎所言為得其實而元史地理志都實求河源亦隱與之合也蓋崑崙即在雍州之外劉元鼎所云東距長安五千餘里者近是若山海經及史記禹本紀去嵩高五萬里者皆荒誕不經之論而禹貢一求其地以實之亦穿鑿附會之甚已

至積石而入中國

積石山在西寧衛西南百七十里大河經其下即禹迹所陟

胡氏渭曰河自大積石山東北流逕陝西西寧衛西南塞外至河州西七十里入塞

衛在行都司東南七百餘里黃河西自塞外流入經衛之東南與河州分水州在臨洮府西一百八十里西至生番界七十里有小積石山兩崖如削河流其中西南去大積石山千餘里

又東經河州城北

元志大河自積石州東流循河而行五日至河州

安鄉關關在州西是也今大河經州北六十里有大

夏河經州東三十里又北入于河

又東北流經蘭州城又東經金縣北

大河自河州東北流至蘭州境其西則湟水合浩

疊河流入焉其南則洮河流入焉又東北經州城

境二里金城關在焉為河津之要隘又東北經金

縣北六十里流入亂山中危湍仄澗凡二百餘里而入靖虜衛界

又東北經靖虜衛北又東北經寧夏中衛南

大河自金城亂山中而來瀉落平川奔流洶湧烏

蘭橋之險在焉又東北出衛城北一里山峽險隘

河經其中懸流數仞又東北二百餘里經寧夏中

衛南十五里地勢稍平而河流益盛矣

又東北經靈州所北又東北經寧夏衛東南

大河自中衛而東幾三百里經靈州所城北其地

亦謂之河曲蓋河自積石至中衛大抵東北流中

衛至靈州所正東流由靈州至寧夏則益折而北

故曰河曲也經寧夏衛東南四十里益引而北入

廢豐州界

又東北入榆林西境出塞經三丘降城南又東折而南經榆林之東

大河在榆林衛北千餘里自寧夏衛東北流六百餘里經古豐州之西又北折而東經三受降城南

三城相距凡八百里至廢東勝州西廢東勝州在山西大同府西境大河之濱乃折而南其西則榆林之東境

其東則山西大同府朔州之西境也又南至黃甫川黃甫川僅在榆林東境西為延安府府谷縣境東為太原府河

曲縣境其間回環曲折幾三千里古為朔方地今謂河套

又南經府谷縣東又經神木縣南而入葭州境經州城東河之東岸為山西河曲縣及保德州暨興縣之境

大河在府谷縣城東百步西南流入神木縣境經縣南三十里又南經葭州城東一里而山西之河

曲縣北去黃甫川二十餘里隔河相望也西南去府谷百餘里縣濱河為險而保德州西臨大河與府谷縣

隔河相對府谷在黃河東北岸保德州在黃河西南岸河自黃甫川而下皆連通西南流也又南百五

十里則岢嵐州興縣也縣西去大河五十里與葭州濱河為界

又南經吳堡縣東又南經綏德州東河之東岸為山西臨縣及永寧州寧鄉縣之境

大河自葭州而南八十里經吳堡縣城東一里又南百六十里經綏德州東境西去州城百二十里而山西之臨

縣北去大河二十里與吳堡縣接界永寧州則西去大河百十里志云自州城渡河至綏德州二百五十里寧鄉縣西去黃河七十里皆綏

德州濱河為境也

又南經青澗縣東又南經延川縣及延長縣東河之南岸為山西石樓縣及永和縣大寧縣之西境

大河在青澗縣東百里無定河自西北流入焉又

南經延川縣東四十五里又南經延長縣東三十

餘里而山西之石樓縣西距大河百里永和縣西

距大河五十里西北接延川縣境大寧縣西距大河七十五

里西北接延川縣境津流相通一葦可航也

又南經宜川縣東河之東岸為山西吉州及寧鄉縣

之西境

大河在宜川縣東八十里而山西之吉州西距大

河七十里與宜川接界孟門山壺口山皆在其地為河津

險要又南為寧鄉縣西距大河八十里又西南接

韓城縣界緣河兩岸羣山列峙稱險固焉

又南經韓城縣東又南經郃陽縣東河之東岸為山

西河津縣及滎河縣臨晉縣之西境

大河在韓城東北八十里龍門山在焉大事記周

威烈王十三年晉河岸傾壅龍門至于底柱呂氏

云自春秋以後河患之見于史傳蓋始于此又南

流經梁山山東山在韓城縣南十九里春秋成五年梁山崩壅河三

日不流即此矣又南經郃陽縣東南四十里而山

西之河津縣即古耿邑也商祖乙都耿圮于河水

書有盤庚之誥是矣今縣西去大河三十里亦有

龍門山與韓城之龍門對峙所謂禹鑿龍門河經

其中者非與又南經滎河縣城西城去大河不及

一里汾水自西北流入焉又南經臨晉縣西三十

里渡河而西又三十餘里即郃陽縣也臨晉有吳王渡郃陽有茶峪渡

俱河津濟處胡氏渭曰以上禹導河積石至于龍門之所經也

又南經朝邑縣東又南經華陰縣東北而渭水入焉

河之東岸為蒲州城西又南過雷首山西乃折而東

也

大河自郃陽縣南百二十里而經朝邑縣東三十

五里河濱有臨晉關又南五十餘里至華陰縣境

則華山當其衝潼關在焉關西去華陰縣四里又渭水流經華

陰縣北至縣東北五十里而入于河即禹貢導渭

入河處也而山西之蒲州大河自臨晉縣境南流

五十餘里經其西門外有蒲津關亦曰臨晉關與

朝邑縣臨津關夾河相對為自古設險之處又沐

水流入焉經雷首山西山在蒲州原南二十五里折而東其地亦謂

之河曲春秋時秦晉戰于河曲是也河流自東勝

州折而南幾千八百里自壺口龍門以至于潼關

兩岸重山翼帶深險而華山復橫亘其南岡巒盤

固河於是復折而東河山之勝甲天下矣

胡氏渭曰此河水南至華陰之所經雍州文所稱

龍門西河者也

又曰穿渠引水非古也自溝洫之制廢而灌溉之

事興利於田而河則病矣關中引水溉田自鄭國

渠始及漢武時用鄭當時言穿渠引渭以漕且溉

南山下用番係言引汾溉皮氏汾陰下引河溉汾

陰蒲坂下又用嚴熊言引洛溉重泉以東為龍首

渠宣房既塞用事者益爭言水利朔方西河河西

酒泉皆引河及川谷以溉田關中則有靈輶渠成國渠漳渠六輔渠白渠皆溉田各萬餘頃它小築及陂山通道者不可勝言故王莽時大司馬長史張戎議曰水性就下行疾則自刮除成空而消除河水重濁號為一石水而六斗泥今西方諸郡以至京師東行民皆引河渭山川溉田春夏乾燥少水時也故使河流遲貯淤而消淺雨多水暴至則溢決而國家數隄塞之稍益高於平地猶築垣而居水也可各順從其性毋復灌溉則百川流行水道自利無溢決之害矣蓋河水多泥急則通利緩則淤澱今滎陽之下既有鴻溝華陰以上復有諸渠分水太多則河流日遲河身日高故水暴至不能容漢人知此者鮮唯戎知之

又東經閩鄉縣又東經靈寶縣北河之北岸為芮城縣南境

大河在閩鄉縣北七里又東經靈寶縣北十里而山西之芮城縣負山面河南距大河二十里與閩鄉縣夾河相望三十里蓋河自雷首西麓而南經芮城西二十里稍南即折而東芮城當其曲折之間而閩鄉縣亦為大河東折之衝東至靈寶縣七十餘里西距潼關六十里踞高臨深為險塞又東經陝州城北又東經澠池縣及新安縣北河之北岸為平陸及垣曲縣境

大河在陝州城北自靈寶縣東流六十里至州城西北三里大陽津在焉亦曰茅津河津要地也又東四十餘里為底柱山控扼中流波濤怒湍舟船經此稱

為艱阻又東百餘里經澗池縣北境大河南去縣城六十餘里又東

百里為新安縣境大河南去縣城四十餘里陵阪陂陀津途遙隔故

二邑無濱河之稱也而山西之平陸縣城去大河

東南距陝州不過五十六里南北往來常為津徑

又東二百餘里至垣曲縣南二十里岡阜逶迤與

河南岸兩相倚阻皆利涉之所也

胡氏渭曰以上河水東至底柱之所經也

又東經河南府北河之北岸為濟源縣南境

大河在河南府城北北二十里繞北邙山之麓北邙山在府城

北十層巒疊阜屹然保障志云大河自芮城閿鄉縣

而東河之北岸則中條以接王屋南岸則峭函以

接北邙夾河翼帶並趨而東雖底柱扼塞中流而

旁無潰決之患則以崗陵包絡有自然之險固耳

而濟源縣南距大河七十里西鄰垣曲南衛洛陽

唐史聖歷二年河溢湮濟源民舍千餘家或以為

山水暴發非河患也

又東經孟津縣北河之北岸為孟縣南境

大河在孟津縣北五里北岸至孟縣三十里今孟縣西南至

孟津縣五十餘里蓋嘉靖中孟津益徙而西也即古之孟津也河橋在焉河陽三

城置于此宋史乾德二年孟州水漲壞中潭橋金

史大定十一年河決王村南京孟衛州界多被其

害王村今山東濮州治也孟州即今孟縣南京即今開封府蓋下流壅故倒灌上流也明嘉靖十七年河

漲孟津縣圯于水蓋河自孟津而上多循山麓行

至孟津兩岸平濶河勢漸張潰溢之患于是乎見

端矣夫決在下流河之患猶淺決在上流河之患

乃深孟津河行平陸之上流也河患及此下流之

壅闕必日甚橫決必且益多矣

胡氏渭曰以上河水又東至孟津之所經也

又東經鞏縣北洛水入焉河之北岸為温縣之境濟水入焉

大河在鞏縣北十里西去孟津縣八十里洛水自西南流入焉

又東經温縣南二十里濟水入焉導州里道紀自鞏縣東北至温凡四十里

太平興國二年河決孟州之温縣蓋河既出險就

平復南納洛川之注北并濟水之流縱橫震盪勢

不能已疏道無方鞏洛而下禹貢舊迹安得不月

異而歲不同哉

又東經汜水縣北又東經滎陽縣北河之北岸為武

涉縣之南境

大河在汜水縣北一里里道紀渡河西北至温縣二十五里又東經滎陽

縣北二十五里洪武十五年河決滎陽命修塞之

正統十三年河復決滎陽經曹濮衝張秋在山東東阿縣濱

沙灣東堤沙灣在山東壽張縣奪濟汶入海尋自開封西南經

陳留自亳入渦河又經蒙城至懷遠縣入淮陳留縣屬河南

而武涉南去大河五十里西南與滎陽縣接境沁

水自北來至縣南入于大河沁水入河之處舊名沁黃口今曰南賈口宋熙寧

十年河溢懷州黃沁口即其地也

又東經河陰縣北又東經滎澤縣北河之北岸為獲

嘉縣之南境

大河在河陰縣北十五里里道紀自河陰縣渡河至武涉縣五十六里縣西二

十里有石門即古之滎口秦始皇二十三年攻魏

引河溝灌大梁漢王橫言秦攻魏決河灌其都決

處遂大不可復補即此也後漢初河自滎陽決入

汴河陰故滎陽地永平十三年詔修汴渠隄自滎陽東至午

乘海口千餘里蓋始功于此自河陰而東三十里

經滎澤縣北五里滎澤地稍下古滎水所鍾也唐

開成三年河決浸鄭州外城五代漢乾祐三年河

決鄭州周廣順二年河復決于鄭州說者曰自滎

澤縣決而南也五代史云河決原武或曰當古滎澤顯德初遣使修塞決

河又五代史周廣順中河決河陰宋太平興國二年河決于滎澤熙寧

十年河復決滎澤元延祐十年河決滎澤之塔海

莊東堤塔海莊在縣東南七里久之始塞明正統十三年河決滎

陽既而自孫家渡決而南孫家渡在縣東南五十里河南徙久之始

塞宏治五年河大決于封邱撫臣徐恪請開孫家

渡從之既而復塞河渠考先是宏治二年河決原武命戶部侍郎白昂治之昂于滎澤縣楊橋開支渠引中牟尉

氏決河由陳穎至壽州達淮楊橋在縣東南與孫家渡相近蓋引決河使入正統時南決舊道也至是河流橫潰張秋決口塞而復決格上言決河端悍之勢未可遽回今自滎澤孫家渡口舊河東經朱仙鎮下至項城南頭猶有涓涓之流若疏之由泗入淮可殺上流之勢又黃陵岡有賈魯傷河南經曹縣梁靖口下通歸德卜家道口今梁靖以壯淤塞將平計功力之施八十餘里若疏而濬之使由徐入淮以殺下流之勢則決口可塞運道可完也時多從其策而衛輝府之獲嘉縣南去大河六十里與

滎澤河陰接壤宋太平興國三年河決懷州之獲

嘉蓋亦隄防之處矣

又東經原武縣北陽武縣南

大河在原武縣北二十里五代周廣順中河決原

武尋遣使修塞又顯德六年鄭州奏河決原武宋

元豐元年河復決於此五年又決下流納梁山灤

梁山灤在山東壽張縣宋志河決原武埽溢入利津河陽武溝乃馬河歸納梁山灤利津等河皆在陽武以東明洪武十四

年河決原武及祥符中牟二十四年河決原武

陽山在縣北二十里東經開封城北五里又南行至項城經

穎州穎上縣東至壽州正陽鎮正陽鎮在壽州西六十里全入于淮

而河之故道淤塞疏久之乃復舊宏治三年河復

決原武支流為三一決封邱金龍口亦作荆隆口漫祥符

及長垣北直長垣縣下曹濮衝張秋長隄一出中牟下尉

氏一汜濫于蘭陽儀封考城歸德入宿州詔白昂

修塞之河渠考昂為戶部侍郎奉命治河築陽武長堤以防張秋之決引中牟決河出滎澤陽橋下達于濉濉宿州古下河連泗州又濉州河自歸德飲馬池中經符離橋至宿遷縣入濉河上築長隄下修減水閘又疏月河十餘以殺其勢塞決口三十六由河入汴汴入睢睢入泗泗入淮淮連海水患少息昂又以河南入淮非正道恐不能容乃復自魚

基歷德州至吳橋修古河隄又自東平北至興濟鑿小河十二道引水入清河及古黃河入海河口各作石堰以時啟閉昂意蓋欲于東北分其流于南東疏其淤也未幾河復決徙昂所規畫一時皆廢吳橋與濟今北直屬縣

而陽武南距大河十餘里舊時大河經城北與

衛輝府之新鄉汲縣接境自決塞不時河遂徙而

南周廣順二年河決陽武尋修塞之時又決常樂驛或曰驛在陽武西

宋乾德三年河決陽武開寶五年復決陽武金大

定十年河決陽武之白溝白溝在縣東南三里明昌五年河決

陽武故堤決口地名光祿村灌封邱而東元至元二十五年

陽武諸處河決泰定三年河決陽武漂居民萬六

千五百餘家尋復塞治明洪武一十五年河決陽

武天啟元年河決陽武縣脾沙垆在縣東南二十里由封邱

曹單至考城復入舊河自河出陽武之南而新鄉

汲縣胙城之境皆去河漸遠禹迹之益不可問也

自陽武之決塞始也

大河舊道在陽武縣北又東經延津縣北又東經胙

城縣北河之北岸為新鄉縣及汲縣之境

此大河舊道也舊志云河在陽武縣北二十三里

河之北岸為新鄉縣境縣南去大河三十里明昌

中河決陽武入封邱于是河益東南下金史貞祐四年延州刺史溫撒

可喜言近世河離故道自東南流由徐邳入海以此河南之地為狹臣竊見新鄉縣西河水可決使東北流其南有舊堤水不能溢行五十餘里與清河合則由滑州大名觀州清河柳口入海此河之舊道也皆有古堤補其罅漏足矣如此則山東大名等路皆在河南而河北諸郡亦得其半退足以為備禦之計進足以杜恢復之圖議者以河流東南元至元九已久決之非計遂寢清河謂水口柳口即今古直河也

年河決新鄉元史云河決新鄉廣盈倉南河北岸蓋是時河猶出陽武新

鄉間也由陽武而東二十里逕延津城北十七里

延津古酸棗也漢文帝後元年河決酸棗東賸金

隄東郡大興卒塞之五代周廣順二年河決酸棗

顯德初遣使修塞明成化一十四年河溢延津明

年復自縣南流入封邱其舊流則自延津折而東

北經汲縣東南十七里又北逕胙城縣北一里里道

津縣東北至縣城四十五里宋熙寧四年河溢衛州王供埽舊志云在州東二十里

十年復溢王供埽及汲縣上下埽金大定一年河

決衛州及延津縣瀰漫至歸德府二十六年河決

衛州堤壞其城泛濫及于大名先是胙城隸開封

府泰和八年以限大河改屬衛州貞祐三年徙州

治于宜封新城以胙城為倚郭胙城為河北縣自

金始也

又東北經濬縣之南滑縣之北

大河舊在濬縣城南一里河之南岸即滑縣界里道

縣而北至濬縣四里濬縣南至胙城縣五十里大河經其間北曰黎陽津南曰

白馬津自昔津濟之要今變為平陸矣漢建始四

年河決東郡金隄顏氏曰在今滑州界唐元和八年河溢瓠子

東泛滑距城十二里鄭滑帥薛平魏博帥田宏正

共發卒鑿黎陽山東復入故瀆故瀆在黎陽西南時河流南徙薛平請于田宏正共

發卒鑿古河十四里逕黎陽山東會于故瀆自是滑無水患開成三年河決浸滑州外城

乾寧三年河漲將毀滑州朱全忠決為二河夾城

而東為害滋甚石晉天福五年滑州河決九年滑州河決侵汴曹單濮鄆五州之境環梁山合于汶大發數道丁夫塞之五代漢乾祐元年河決滑州之魚池店在州西周廣順一年河決滑州靈河諸處廢縣在今滑縣東南六十里五代史廣順中河決靈河魚池大明鎮諸處皆在今滑縣境內命王浚修塞之三

年義成帥白重贊奏塞決河宋乾德四年滑州河決壞靈河大堤太平興國三年河又決滑州之靈

河八年大河決滑州之韓村在州東北泛澶濮曹濟東南

流至彭城入于淮九年河復決滑州之房利亦在州東北既

而巡河官梁肅言滑州土脉疏岸善墮每歲河決南岸害民田請于迎陽埽鑿渠引水凡四十里至黎陽合河以防暴漲從之既而渠成又命鑿河開渠自韓村埽至州西鉄狗廟五十餘里復合于河以分水勢迎陽在州東北大河北岸大中祥符四年河決

通利軍今滑縣合御河壞州城田廬州城即滑州城天禧三年滑

州河溢城西北天臺旁俄復潰于城西南岸漫溢

州城歷澶濮曹鄆注梁山泊又合清水古汴渠此清泗水

也東入于淮州邑罹患者三十二詔發丁夫塞治

四年河復決于天臺山天聖五年塞河成以其近

天臺山麓名曰天臺埽自是以後滑州之患大抵

移于澶州矣元符三年河復決于蘇村在滑縣東北然其為害甚鮮重和初詔于滑州澶州界萬年堤廣植林木以護堤岸

以壯地勢河自大伾以上猶禹貢時大河經流也大伾山在滑縣東二里

漢賈讓欲決黎陽遮害亭亭在滑縣西南五十里放河使北入海

西薄大山東薄金堤勢不能遠泛濫此即司馬遷

河渠書所稱禹以為河所從來者高水湍悍難以

行平地數為敗乃醜二渠以引其河北載之高地

之說也其後王橫亦言禹行河水本隨西山下東

北去宜更開空使緣西山足乘高地而東北入海

迺無水灾宋李垂祖其說欲引河自大伾而北載

禮國經野

之高地其後孫民先亦主是說元豐中陳祐甫亦請修復禹故道夫滑州河患莫甚于宋之天禧以前於此時引河去北未為不可其後河亦益徙而北出于信都勃海間故道庶幾可復矣乃謀國者方且人持一說非迂踈拂逆之計則因循苟且之見而已矣

胡氏渭曰以上河水東過洛汭至于大伾之所經也

又曰凡二水並行一盛則一微自然之勢也宋元祐初蘇轍上疏有云黃河之性急則通流緩則淤澱既無東西皆急之勢安有兩河並行之理此格言也蓋上流宜合而不宜分合則流急而沙去分則流緩而沙停而禹顧於大伾之南醜為漯川者

則以河勢欲東不得分之以泄其怒以漯川一道分河流十之一二不使指大如股亦未為害耳及周之衰王政不修水官失職諸侯各擅其山川以為已利於是滎陽下引河為鴻溝者自是以後日漸穿通枝津交絡宋鄭陳蔡曹衛之郊無所不達至定王五年河遂南徙無他河水之入鴻溝者多則經流遲貯不能衝刷泥沙故也宿胥之塞寔鴻溝致之不然禹功歷千歲而不敝何獨至春秋一旦變遷也哉

又東北經開州南長垣縣及東明縣之北

大河舊在開州城南漢之濮陽宋之澶州皆其地也漢元光三年河水徙從頓邱東南流既而決瓠

子

在今州西南二十五里

東南注鉅野

鉅野澤見山東鉅野縣

通于淮泗

此為黃河入淮之始

邱氏以宋熙寧十年為黃河入淮之始誤也 上使汲黯鄭當時與人徒塞之輒

復壞元封二年自臨決河塞之作瓠子之歌是也

五代周廣順三年澶州河溢宋乾德三年河決澶

州開寶四年河復決澶州東滙于鄆濮壞民田舍

五年河復決濮陽命潁州團練使曹輪往塞之淳

化四年河復決澶州陷北城壞廬舍七千餘區景

德元年河決澶州橫隴埽在州東自是遂為故道所謂橫隴河也 四年又壞

澶州五八埽在州西南 大中祥符七年河決澶州大吳埽

在州東 天聖六年又決州之王楚埽在州西南 景祐元年復決

于橫隴埽慶歷八年又決州之商胡埽在州東北三十里自是遂為故

道所謂商胡河也宋志商胡決河自魏社至思與乾寧

入海為北流其二股河自魏思東至德滄入海為東流 嘉祐元年河

復決于六塔河六塔河在州東北十七里自商胡東南通橫隴河之渠也先自皇祐二年河決館陶縣之郭固四年

寒郭固而河勢猶威議者請于澶州開六塔河以披其勢于是遣使相度

詣銅城鎮海口以約古道高下之勢歐陽修以塞商胡開橫隴回大河于

故道計一千餘里後鉅費煩速宜停罷李仲昌等固謂謂六塔河使歸橫

隴時橫隴淨塞已二十年商胡復決數歲矣賈昌朝等又言移決河于京

東故道歐陽修曰六塔止是別河下流已為橫隴德博諸河思若全四大

河其害必甚故道不可復不待智者而知也至是遂塞商胡北滙入六塔

河河不能容是夕遂決河北被患 熙寧四年河溢澶州之曹

村在州西南 十年大決于曹村澶淵北流斷絕河道南徙

東滙于梁山張澤灤梁山灤見前張澤灤或曰即今山東汶上縣之南旺湖 分為二派

一合南清河入淮一合北清河入海南清河今泗水也北清河大清河也

灌郡縣四十五濮濟鄆徐更甚元豐元年決口塞

改曹邱埽曰靈平築堤斷河流復歸北三年澶州

孫村陳埽及大吳小吳埽復決孫村等埽俱在州東 四年小吳

埽復大決自澶注入御河恩州危甚五年河溢內

黃決大吳埽以紓靈平水患放之使北也 蓋自河入御河

之後而宋澶州之患稍緩至金大定以後河益徙

而南澶州之流遂絕明正統十三年河決滎陽自

陽武衝入故道直至州治南又東抵濮州壞張秋隄入海後復塞治蓋瓠子靈平之舊迹皆不可復識矣

開州之東北為清豐縣之西內黃縣之東

大河舊道在內黃縣東南及清豐縣西南水經注大河故瀆東

北逕戚城西又經繁陽故城東陰安故城西是也戚城在開州繁陽在內黃陰安在清豐縣漢時河皆經此元

光三年河徙從頓邱東南流頓邱今清豐縣境是也後決塞不時

故道廢宋時澶州河屢決河復行北道開寶八年

河決澶州之頓邱太平興國二年河復決于頓邱

元祐八年河溢內黃埽元符二年河決內黃口灌

邢洺諸州而東道之流遂絕

又東北經南樂縣及大名縣元城縣之東

水經注大河故瀆經昌樂故城東即南樂也宋時

大河亦逕此嘉祐五年韓贊請分浚二股五股諸

河于縣境以減下流恩與之患治平元年始命都

水監浚治熙寧初河自恩與北注議者請開二股

河漸閉北流三年張鞏等奏大河東徙北流淺小

請閉北流從之未幾河自其南四十里許家港東

北汎濫大名恩德滄永靜五州軍境詔遣官相度

六年王安石奏自大名之東南開修直河狹大河

還二股故道於是河勢增漲十年河遂大決于澶

州此即宋人回河之誤也而大名元城縣亦皆大河所經也唐開

元十四年魏州河溢宋嘉祐七年河決大名第五

埽元豐七年河溢元城埽決橫堤與洺北京皆被

其害八年河決大名之小張口宋時以大名為北

京隄防障過無歲不講也

又東經館陶縣西又北經臨清州及高唐州之境又北經清河縣南

大河故道自元城冠縣間入館陶界冠縣館陶俱山東屬縣漢溝

洫志自塞宣房即瓠子河在開州後河復北決于館陶分為

屯氏河東北經魏郡清河信都勃海入海廣深與

大河等因其自然不隄塞也屯氏河在館陶縣元帝永光五

年河決清河靈鳴犢口而屯氏河絕廢靈縣靈鳴犢口今在北直清河縣

成帝建始二年河復決于館陶所決之河亦名屯氏別河及東郡金

隄泛濫兗豫入平原千乘濟南凡灌四郡三十二

縣又鴻嘉四年勃海信都河水溢溢灌縣邑三十

一新莽始建國三年河決魏郡泛清河以東數郡

漢所稱魏郡大約主館陶以北言之漢書先是莽恐河決為元城家莫害及決東去元城不憂水灾故遂不隄塞水經注大

河故瀆經甘陵故城南甘陵亦在清河縣又東北經靈縣故

城南今廢靈縣在博平縣境以不在甘陵東北也河瀆于縣別出為鳴犢河又

東逕鄒縣故城東鄒縣今高唐州夏津縣也漢志云鄒居河北即此此即漢時河

所出之道宋皇祐二年河決館陶縣之郭固在縣東北四

年塞之即宋史所稱郭固塞而河勢猶威議者請開澶州六塔河熙寧四年北京新隄第

四第五埽決漂溺館陶永濟清陽以北永濟廢縣在今臨清州西仁宗

皇祐元年河合永濟渠注乾寧軍縣以永濟渠亦名也清陽廢縣亦在清河縣下屬恩冀合于御河五

年河溢于夏津而清河即宋之恩州也熙寧元年

河溢恩州烏欄堤在州東是年又決冀州棗強埽北注

瀛州既又溢瀛州樂壽埽元祐四年又溢冀州南

宮等五埽時都水監言前二年河決南宮下埽三

年決上埽今四年決宗城中埽蓋皆自恩州決而

北也政和二年河決冀州棗強埽都水孟揆言棗

強東堤決溢其漫水行流多鹹鹵及積水之地不

犯州軍止經數縣地分迤邐接御河歸納黃河今欲自決口上恩州之地水堤為始增補舊堤接續御河東岸簽合大河從之宣和三年河決恩州清河埽蓋自內黃決後河出清河之北至此下流漸壅故上流復決河又從瀛冀而西南矣

又東經德州西又東北經景州及滄州之境入于海德州漢平原郡界也河之故道本在平原以北漢以前大槩從魏郡清河信都勃海界入海皆與平原接境不徑至平原也武帝建元三年河水溢于平原成帝建始三年河決館陶遂溢入平原千乘濟南界中河平三年河復決平原流入濟南千乘復堤塞之東漢永平中河流合汴泛濫兗豫明帝使王景治之絕水立門河汴分流自滎陽東至千

乘海口千餘里十里立一水門令更相回注無復

潰漏之患然則河經平原以南自漢建始中始而

永平以後嘗為河之經流矣後漢以及南北朝時大河決塞史多失于記注水經

注大河故瀆逕平原故城西又北逕修縣故城東

修縣在今北直景州又東北至東光縣故城西東光今北直屬縣而合于

漳水此亦約言西漢時大河所經之處也元時河

仍自千乘入海不至東光合漳也宋自熙寧以後

主回河之說滄景常多水患元豐四年河溢滄州

南皮上下埽又溢清池又溢永靜軍阜城下埽既

而河流益壯大抵合御河西山諸水自深州武強

瀛州樂壽埽至清州獨流砦三义口而入于海

開州之東為觀城縣及朝城縣南河之南岸濮州之

北

水經注大河逕衛國縣南衛國縣即今觀城縣鄆城縣北鄆城縣今濮州

治疑東漢以後大河故道即出於此五代晉開運

三年河決澶州臨黃漢天福十二年河決觀城界

楚里村堤在縣西南東社經臨黃觀城二縣臨黃縣今在觀城縣宋開

寶五年河決濮陽濮陽即今濮州明道二年移朝城縣于社

婆村移而北也避河患也明正統十三年河決滎陽衝曹

濮宏治三年河復決原武衝曹濮濮州蓋舊道所

經常為東下之衝矣

又東經范縣北莘縣及聊城縣之南

大河故道在范縣之北倉亭津在焉津在今縣東北舊經云

自范縣渡河而北六十里即莘縣是也而聊城故

博州治今東昌府治焉開元十年博州河決五代

晉天福四年河決博州即此也

又東經東阿縣北博平縣及茌平縣南

東阿自昔大河之衝也南漲則滄東平東溢則浸

濟南五代梁末唐遣李嗣源取鄆州守楊劉今在東阿縣

梁人攻楊劉決河口以限晉兵決口益大連年為

曹濮患同光二年命婁繼英督汴滑兵塞之未幾

復壞晉天福二年河決鄆州自東阿決而南開運三年河決

楊劉西入莘縣廣四十里自朝城北流自東阿決而西也周

顯德初命宰相李穀治隄自陽穀抵張秋口遏塞

之宋乾德二年河決鄆州之竹村在州西北三年鄆州河

決太平興國七年河漲凌鄆州城將陷咸平三年

河決鄆州王陵埽在州西浮鉅野入淮泗水勢悍激侵

迫州城明道二年廢鄆州土橋渡以避水凌在州東是時河流漲入

小清河濟南淄川皆被其患後河勢益趨而北鄆州之患始少此五代及宋鄆州水患也而

博平荏平為大河東出之道矣

又東經長清縣北禹城縣南

長清以西古大河所經也礪礪津在焉南北朝時大河皆經此矣大抵東阿以東往往挾濟而流又東北以達于海也

又東經歷城縣北臨邑縣南

臨邑東有四瀆津大河故道所經唐五行志永徽六年齊州河溢即此地也

又東北經商河縣北武定州南

此昔時大河所經也唐長壽二年河溢棣州又開元十年棣州河決太和二年河決壞棣州城宋祥符四年河決棣州聶家口在今武定州西南二十里舊州之西南五年又決于州東南李氏灣六年徙州治而北以避河患自

是澶滑之間大河屢溢而棣州之流漸絕矣

又東經濱州境合清河以入海

水經注河水東逕濕沃津今蒲臺縣又東經千乘城北又

東過利城北利城今博興縣為黎城又東北濟水從西來注之又

東北入于海夫水流變遷其詳不可得而知今大

清河自蒲臺利津縣東北入海惟小清河則經青

州府博興樂安縣境而後入于海或謂宋初大河

大東行大抵從濱州境合于大清河或謂大清河即

東漢以來大河經流之處水經注有南北二濟無大小清河之名其所言北濟者大槩與小清河相

參錯或大清河即大河故瀆河遷而濟水注其中與夫自東漢至隋唐水之侵齧漲

溢豈能盡免而由平原千乘間以入海則未經變

異也然則治河如王景其成法詎不足遵與自梁

晉夾河之戰苟且目前橫挑大釁梁段凝決河引水以限晉兵謂之護駕水此五

代以後潰決之患所由致也 延及宋季橫決無已金元河患皆與國為終始水經諸書既未能條貫源流兼綜終始史家紀載又往往參差同異茲畧舉往迹為之差次古今之變覽者亦可知其梗槩矣

右古大河終

大河今自陽武縣南又東逕開封府城北封邱縣南大河今在開封府城北十里宋元符三年河決開封之蘇村舊志云府西三十餘里有蘇村元至元二十三年河決開封祥符等郡縣十五處皇慶三年河決開封陳留等縣延祐七年河決開封蘇村及七里寺諸處泰定二年河溢汴梁三年復壞汴梁樂利隄發民夫築塞明洪武七年河決開封隄十六年又決開封東隄自陳橋至陳留陳橋在府東北一十里二十年河復決開封

城三十年河溢開封正統十三年河決滎陽尋自

滎澤縣家渡決而東南開封遂在河北景泰中始

復河深考國初開封城北去大河四十里洪武二十四年河決原武而東經城北五里至此遂出府南築塞以後大河經城北不過十數里天

順五年河溢決開封府北門宏治三年河決開封

南入淮成化十四年河決開封府西杏祀營在府西二十里

神宗十七年河決府西北劉獸醫等隄十餘處劉獸醫在府西北二十五里

四十四年河決開封陶家店張灣陶家店在府西北二十五里由護城隄下經陳留等處入亳州湯河

是冬決口淤河復舊道崇禎十五年賊決開封西

北朱家寨在城西十七里城陷大河自陳穎諸州漫入淮

泗蓋大河出陽武之南開封城外皆為漫淫沮洳

之場矣而河北之封邱縣南去大河五十一里舊

時大河在縣西北四十餘里金明昌五年河決陽

武灌封邱而東此封邱陽武在河北之始也元至
大二年河決封邱順帝至元初河復決于封邱宏
治一年河決原武其支流決封邱荆隆口在縣西南三十餘里
漫祥符下曹濮衝張秋五年河復決于荆隆口濱
儀封之黃陵岡更犯張秋壞會通河尋命劉大夏
治之志云縣東南有陳橋集在縣東南四十餘里與祥符縣接界東連馬家
口西抵荆隆口為大河衝要神宗十五年河復決
于荆隆口長垣東明幾于陷溺堤防切焉 自陽
武而入封邱河益東南流荆隆口直東則經長垣
東明出曹濮直趨大清河矣較之出徐沛合淮泗
以入海者道為經易夫河行之道宜直不宜紆入
海之口宜近不宜遠河之兩岸宜濶而歸流宜深
歸流即俗語所謂落槽也渾水則宜置斗門且多置之用王景更相

迴注之意使不至旁溢河未必不可東也雖然大
河東則會通河廢會通河不廢則大河不可得而
東兩者不並立矣

又東經陳留縣及蘭陽縣之北河之北岸為長垣縣
之境

大河在陳留縣北三十里河防考大河北岸有陳留寨銅瓦廂為黃河衝激之處屬陳留界內又

東三十五里至蘭陽縣縣北去大河十五里大河舊在縣北

三十餘里志云大河經陳留蘭陽而東水流溢衝激曹

鄆嘉靖七年于縣北開趙皮寨白河一帶以分殺

水勢十三年河決趙皮寨口南入淮既而河流遷

徙趙皮寨口復塞十九年兵部侍郎王以旂于縣

東開李景高支河在縣東北十里引河由蕭縣出徐州小浮

橋凡六百餘里以濟二洪之涸時河決雖州而南也未幾復淤

神宗十七年河決李景高口入睢陳故道決河故道也尋

塞之而長垣縣南數里有河隄舊為大河所經即宏治中

劉大夏所築大行隄也河防考長垣縣南隄長九十七里而與封邱縣新豐村接界隄外有淘北河相傳即黃河故道今縣大河

六十里而遙矣

又東經儀封縣北河之北岸為東明縣界

大河今在儀封縣北二十里元至元二十三年以

後河屢決汴梁路河出蘭陽儀封之南大德元年

河決杞縣蒲口儀封西南至杞縣九十五里蒲口在杞縣東北二年蒲口復決漂

溺歸德屬縣田廬三年復決蒲口歸德郡縣皆罹

水災明洪武十六年河決開封東隄尋決杞縣入

于巴河宏治二年河決原武分流泛濫于儀封考

城歸德趨宿州五年河決封邱荆隆口潰儀封黃

陵岡在縣東十里衝張秋而河北之東明西接長垣東南

舊有長堤為河流所逕今河益引而東南東明去

河遠矣

又東南逕睢州及考城縣之北又東南逕歸德府北

河之北岸為曹縣界

大河南至睢州七十里明嘉靖十九年河決睢州

野雞岡在州北六十餘里其旁決處曰孫繼口由渦河逕亳州入淮徐州呂

梁百步二洪皆涸尋修塞之又逕考城縣南去縣

三里縣境右為河流之衝也河防考大河北岸有芝麻庄陳隆口為縣境隄防要地又

東南逕歸德府北南去府城三十里自元以前歸

德去河遠患頗少元至元二十三年河衝決河南

郡縣歸德始被其患大德二年河決蒲口三年復

決蒲口侵歸德郡縣至大二年河決歸德是時河

南徙歸德常在河北至順以後河漸決而北歸德

仍在河南明洪武二十三年河決歸德命修塞之
 自正統以後河決而南歸德又在河北正德以後
 則仍在河南其新集口及丁家道口皆河濱衝要
 也新集口在府北三十里稍東即丁家道口嘉靖三十七年新集河淤河流於
 是一變四十四年河淤益甚而運河大受其病未
 幾河復決新集塞龐家屯在府東北東出飛雲橋神宗二
 十九年河決蒙城集東南蕭家口蒙城集在府東北三十里以故蒙城而名河
 復南徙而曹縣在歸德府西北百里南至大河五
 十餘里縣為河流南下之衝一有潰決縣輒當其
 患金大定八年河決李固渡在縣西水潰曹州城分流
 于單州之境今曹縣故曹州也單縣故單州也自宋時大河北決以後尋復徙而南金史所載河患始見于此二
 十九年河復溢于曹州小堤之北元至順元年河
 決曹州北魏家道口至正四年河北決白茅堤在曹縣西

北七十餘里與東明縣接界又北決金堤在濮州西南亦曰老堤五年河復決濟陰

即曹州九年白茅河東注沛縣遂成巨浸乃命賈魯治

之疏塞並舉河復故道南匯于淮又東入于海二

十六年河復自州境北徙東明曹濮下迄濟寧民

皆被害明洪武元年河決曹州從雙河口入魚臺

正德四年河決曹縣楊家口在縣西犇流曹單二縣境

東達王子河故河在單縣東接曹縣境抵豐沛舟楫通行遂為大河

七年始塞之河臣劉愷築大堤自縣西北魏家灣東至雙堽集亘八十里趙瓚繼其職復增築三十里曹單始平八

十六年河決曹縣衝魚臺之谷亭三十七年河復

自曹縣境東北出衝單縣之東南蓋歸德府北之

新集淤而河流四溢也自嘉靖以前曹縣河患稱

為首衝幾與宋之澶鄆同一轍矣 曹縣河患論

者謂始于金之大定中非也後漢永平中詔書稱
河汴分流復其舊迹陶邱之北漸就壤墳然則曹
州于漢世已曾為沮洳之場矣大約濬滑澶濮曹
單數州縣間大河東出實為要膂之地疏濬無方
病必先見自古及今其得免于墊溺者幾希矣
又東為虞城縣及夏邑縣之北河之北岸為單縣之
境

大河在虞城縣北三十里又東逕夏邑縣北二十
二里嘉靖十三年河自蘭陽趙皮寨南決入淮運
河淤二洪涸繼而自夏邑縣太邱白村等集太邱集在縣東
北三十里接永城縣界又西即回村集衝激數口轉向東北流經蕭縣城南
出徐州小浮橋濟二洪之涸運道得以不阻趙皮
寨尋塞而單縣南去大河二十餘里去夏邑縣八

十餘里亦河流之衝也嘉靖六年河決單縣衝入

沛縣九年河由單縣侯家村在縣東南決魚臺塌場口衝

谷亭決而東北也塌場口在魚臺縣南四十里神宗二十一年河決單縣西南

黃堍口近虞城縣界一出徐州小浮橋一出舊河達鎮口

開舊河沛縣南舊運河也鎮口開在徐州之茶城二十五年河復大決于黃堍口

二十九年河決單縣之蒙牆寺三十年河復決單

縣之蘇庄在縣東南冲魚臺豐沛明年復決蘇庄衝入沛

縣太行堤在縣西北灌昭陽湖入夏鎮橫衝運道于是洧

河之議起蓋河患之劇曹單其最矣

又東為碭山縣之北又東流經豐縣之南

大河在碭山縣北二十里為豐沛上游縣西北有堅城集為單縣接境

之處舊築斜欄于其東以防墊溢又西劉霄等口亦為河流衝要志云大河舊經縣南三十
里嘉靖三十八年河流北徙始出縣北又東經豐

縣南二十里又東入蕭縣界

又東逕沛縣之南蕭縣之北

大河在沛縣南五十餘里此隆萬間河流也初大河自豐碭間經蕭縣沛去河遠雖有衝決之虞而非經流之所也正德四年河決曹縣直達豐沛既又決城南飛雲橋入運河嘉靖二年河決沛縣六年河自曹單境衝縣東北雞鳴臺七年河決而南縣北廟道口在縣西北三十里淤三十餘里八年飛雲橋之水北徙魚臺縣之谷亭舟行闌面九年沛縣北境之水決魚臺塌場口衝谷亭水經三年不去十三年廟道口復淤三十七年歸德新集口淤大河散溢支流衝入飛雲橋四十四年太河淤塞自蕭縣趙家園泛濫而北至曹縣南棠林集復分二股南

股逶沛縣戚山

在縣西南三十里

楊家集

亦在縣西南

入秦溝

在徐州東北三十里

十至徐北股逶豐縣華山

在縣東南三十八里

由山東其村集

大溜溝在徐州北五十里亦曰南溜溝小溜溝在州北六十里亦曰北溜溝

漫入秦溝接大小溜溝溢入運河至徐其北股又自華山而東北分為一大股出飛雲橋散為十二股縱橫以入漕河至湖陵城在沛縣北五十里又逾河漫入昭陽湖從沙河灌二洪浩渺無際而河變極矣明年河復決沛縣南二三等鋪衝入運河亦由湖陵城口入湖陂是時河臣朱衡潘季馴方改濬新河既而縣東馬家橋堤成馬家橋在沛縣東南四十里障水南趨橫流復定而蕭縣在大河南五十里亦隆萬間河流也舊時大河自縣西六十里之趙家園經奠門集在今縣北西十三里出徐州之小浮橋皆安流無恙嘉靖三十七年大河北徙其後東

西靡定一變為溜溝再變為濁河濁河在徐州西北二十餘里又變為秦溝嘉靖末大抵自縣西北崔家口右城集鴈門集北陳溝梁樓溝胡澱溝東下小浮橋逕行陸地水深或僅一二尺比之故道高三尺有餘停阻泛濫蕭縣境內一望瀰漫城內城外皆為澤國隆慶四年決溢崔家口五年河臣潘季馴上言大河原自新集口經虞城夏邑之北碭山之南至蕭縣冀門出小浮橋其後河流遷徙行水之處俱係民間住址陸地水不能刷衝不成槽雖一望茫然而深不及尺且大勢盡趨濁河出小浮橋者不過十之一二決裂之患正恐不免日者臣由夏鎮歷豐沛至崔家口復自崔家口歷河南至新集口則見黃河大勢已直趨潘家口鄉老言去此十二三里

自丁家道口以下二百二十餘里舊河形跡見在可開臣即自潘家口歷丁家道口馬牧集韓家道口司家道口牛黃垌趙家園至蕭縣一帶皆有河形中間淤平者四分之一河底俱係漫沙見水即可衝刷莫若修而復之河之復其利有五從潘家口小浮橋則新集迤東河道俱為平陸曹單豐沛永無昏墊一利也河身深廣受水必多每歲可免汎溢之患虞夏豐沛之民皆得安居二利也河從南行去會通河甚遠開渠無虞三利也來流既深建瓴之勢導滌自易則徐州以下河身亦必因而深刷四利也小浮橋來流既遠則秦溝可免復衝茶城永無淤塞五利也報可既而季馴以言去遂中止神宗五年河衝蕭縣三十二年河臣李化龍

言河自開封歸德而下合運入海其路有三由蘭陽出茶城徐邳名濁河為中路由曹單豐沛出飛雲橋秦溝名銀河為北路由潘家口入宿遷出小河口名符離河為南路南路近陵北路近運惟中路既遠于陵亦濟于運前興浚未浚今自堅城以工成自碭山朱旺口至小浮橋袤百七十里河歸故道自是蕭縣去大河十五里而近而沛縣去河益遠

又東經徐州之北又東南經靈璧縣之北

大河在徐州城東北今為漕黃交會之衝咽喉重地也嘉靖八年河決州北大溜溝三十二年河決州東南之房村在州東南五十里旋塞之四十四年河由秦

溝衝茶城運道大阻神宗元年河決房村三十三

年河決州北境之蘇家左淹豐沛黃水逆流灌濟

寧魚臺單縣而魚臺尤甚于是呂梁河澁明年復

故三十九年河決狼矢溝在州東二十里塞之明年又決三

山在州東南一十里灌睢寧諸處出白洋小河復合正河尋

塞之四十四年復決狼矢溝由蛤蟆周柳等湖蛤蟆湖

與周湖柳湖俱在邳州西北入沭河出直口直河口也復與黃會既而復故

天啟三年河決徐州青田大龍口尋塞之四年黃

水大漲灌州城乃遷州治于雲龍山而靈璧縣亦

大河所經也大河在縣東北五十餘里隆慶四年河決縣西北之雙

溝神宗十七年河又決雙溝單家口四十二年河

決靈璧縣之陳鋪決口旋淤河流復故天啟元年

河決雙溝黃鋪水由永姬湖在睢寧縣境出白小河口仍

與黃會白洋河在宿遷縣故道湮涸復築塞之

又東南經睢寧縣北邳州城南

大河在睢寧縣西北五十里隆慶四年河決睢寧

之曲頭集曲頭集王家口馬家淺新安集一帶皆縣北境之要口築塞之而邳州尤大

河之襟要也大河在州城南二里城北有沂河從山東沂州界

南流逕城下分東而流南入大河又州西北有沭

河亦自山東嶧縣界流入境會沂水入于河隆慶

六年邳州河決神宗二年河決邳州三年邳州河

溢是時河決崔鎮逆灌邳徐既而潘季馴濬塞之河復舊道十七年季馴于河南岸睢寧界上築洋山至土山橫堤以防橫溢河安流三十二年

加河成而黃運分為兩途矣

又東逕宿遷縣南又東逕桃源縣北

大河在宿遷縣南十里東流為小河口睢水入大

河之道也又東逕桃源縣城北西北四十里曰崔

鎮口隆慶五年河決運河淺阻神宗六年河臣潘季馴始修塞之神宗二十六年于縣境開新河分導黃河入海既而復塞

又東南經清河縣南而淮河來合焉

大河在清河縣治南一里淮水自西南來合焉縣

當淮黃交會之衝形勢特重志云黃河經流即泗

水舊道也泗水亦名南清河縣因以名縣西三十里有三汊河口泗

水至此分為大小二清河大清河逕縣治東北入

淮俗謠為老黃河今湮其小清河在縣治西南入

淮即今之清口也

又東逕淮安府城北又東經安東縣南而入于海

河淮合流經淮安府城北五里永樂十四年平江

伯陳瑄經理漕渠于北河南岸淮人謂黃河為北河淮河為南河亦曰外河而漕河為裏

河築堤四十餘里隆慶三年河溢自清河抵淮安
 城西淤三十餘里決方新二壩二壩在府城西北三十里清江浦隄之東出海
 平地水深尺餘四年淮決高堰河決崔鎮在桃源縣橫流
 四溢連年不治神宗六年河臣潘季馴培高堰以
 障淮水之東塞崔鎮以防大河之北而黃淮復合
 是時亦增築清江浦新城及鉢池山柳浦灣迤東
 堤岸稱為完固十四年河決范家口在府城東北水灌淮
 城全河幾奪又決天妃壩即清江浦口舊壩也淤福興等閘尋
 塞治之二十三年河淮決溢邳泗高寶諸處皆患
 水災按臣牛應元言治河在闢清口浮沙次疏草
 灣下流達伍港灌口廣其渡入海治淮在開周家
 橋達芒稻河入江河臣楊一魁亦議先分黃次導
 淮分黃則開黃家嘴新河分洩黃水導淮則闢清

河積沙數十里又于高堰旁若周家橋武家墩稍
 引淮支流分入江海水患稍息天啟元年河決王
 公堤堤在清江浦北岸通隣大河志云自淮安西門外抵清江浦約三十里內外二河僅隔一堤相距不過尋丈王公堤勢最危急二潰南徙衝刷日甚捲塌堤壩不可不密也河渠攷天啟元年淮安淫雨連旬黃淮暴漲水灌淮安城小民蟻城而居郡守宋統殷等力塞王公堤患始
 殺三年復決磨盤庄在城西二里蓋淮郡為漕淮黃綰
 轂之口也而安東城在黃淮北岸海口漸近上流
 無壅水自奔趨以赴海矣
 右今大河
 地志大河之流自漢至今流移變異不可勝紀然
 孟津以上則禹跡宛然以海為壑則千古不易也
 由孟津而東由北道以趨于海則澶滑其必出之
 途由南道以趨于海則曹單其必經之地衝澶滑
 必由陽武之北而出汲縣胙城之間衝曹單必由

陽武之南而出封邱蘭陽之下此河變之託始也
由澶鄆而極之或出大名歷邢冀道滄瀛以入海
或歷濮范趨博濟由濱棣以入海由曹單而極之
或溢鉅野浮濟鄆謂濟寧東平挾汶濟以入海或經豐沛
出徐邳奪淮泗以入海此其究竟也要以北不出
漳衛南不出長淮中間數百千里皆縱橫糜爛之
區矣又自古大河深通獨為一瀆今九河故道既
湮滅難知即歷代經流亦填淤莫據大抵決而北
則掩漳衛決而東則侵清濟決而南則陵淮泗昔
人謂河不兩行余謂自漢以來河殆未嘗獨行矣
胡氏渭曰河一過大伾而東不決則已決則東南注
于淮其勢甚易邱文莊以宋熙寧十年河決為入淮
淮始非也先是天禧三年河決滑州歷澶濮曹鄆注

梁山灤谷清水古汴渠東入于淮矣又先是咸平三
年河決鄆州浮鉅野入淮泗矣又先是太平興國八
年河大決滑州泛澶濮曹鄆東南流至彭城入于淮
矣溯而上之則漢元光三年河決濮陽瓠子東南注
鉅野通于淮泗矣但皆未幾即塞其歷久而不變至
今五百餘歲河淮并為一瀆則自金明昌五年始

蕙田案此言淮河合瀆之始

又曰元末河復北徙自東明曹濮下及濟寧而運道
壞明洪武初命徐達自曹州東引河至魚臺入泗以
通運永樂九年又命宋禮自曹疏河經濮州東北入
會通河是北流猶未絕也迨遷都之後仰給於會通
者重始畏河之北北即塞之宏治中兩決金龍口直
衝張秋議者為漕計遂築斷黃陵岡支渠而北流於

是永絕始以清口一綫受萬里長河之水陽武以下河之所經繕完故隄增卑倍薄但期不害於漕而漢之下策轉為明之上策矣至於黃淮既合則唯以堰閘為務堰者高家堰家一加閘者淮南諸湖閘口也堰閘以時修固則淮不南分助河衝刷黃沙使海口無壅潘氏季馴論治河之要曰河之性宜合不宜分宜急不宜緩合則流急急則蕩滌而河深分則流緩緩則停滯而沙淤此以隄束水借水攻沙為以水治水之良法也又曰通漕於河則治河即以治漕會河於淮則治淮即以治河合河淮而同入於海則治河淮即以治海自漢以來治河者莫不以分水為長策惟張戎之論不然潘公深得其意觀其所言若無赫赫之功然百餘年來治河之善卒未有如潘公者蓋會通必不可廢則河唯宜注淮以入海雖有賈魯之才

智亦無所施故邵文莊有治之以不治乃所以深治之之說古語云守病不治常得中醫此之謂也

地志自古及今治河之說亦紛如矣然終未有奇策秘計也其稍異者亦曰移河而北載之高地耳夫宋人回河而東為千古之誚今遽欲回河而北不復蹈前轍乎或曰別穿漕渠無藉于河河必無如我何夫漕渠縱無藉于河河可任其橫決乎淮濟諸州之民何罪而盡委之谿壑乎且自禹貢以至於今大河常為轉輸之道置河而言漕不猶因咽而廢食乎或曰棄地以畀河使遂其游蕩夫九州之內莫大於海乃舍其歸宿之地而于都邑閭井間別求一貯水之壑此更不通之論也然則治河者將如何曰人事修舉而已矣所謂人事者疏也濬也隄也塞也無不可用

也上流利用疏暴漲利用疏漢桓譚新論曰河水濁一石水六斗泥而民僅引河溉田令河不通利至三月桃花水至則決以其噎不利也可禁民勿復引河此即後人河不兩行之左証也賈讓以多開水門為中策而說者非之似矣然今榆林寧夏以西皆引河灌溉有沃饒之利誠上流多為支分稍殺其悍激之勢未必非利也至漫漶四出之日濬塞之功茫然莫措于是多為支派平其泛濫而後隨宜致功執之于正疏可偏廢乎歸流宜用濬農隙水涸時宜用濬河出險就平中土夷曠孟軻而東曾無崇山巨陵為之防重陂大澤為之節惟恃河身深濶庶幾順流無阻安可不察其堙障急為蕩滌又北方土阜水流迅直霜降水涸往往曾不容舫及伏秋淫潦百川灌輸湏

洞之勢一瀉千里使不于淺涸無事時預為經理使深廣如一忽然犇潰而後圖之其有濟乎河流散漫宜用堤地勢卑薄宜用堤蓋河流易遷任其浸淫無以約之則變且不測隄以束之使順隄直趨無從旁溢所謂因其勢而為之防非逆其流而為之障也若其沙土疏薄形勢卑窪則必當規其遠近隨其夷險多方以制其侵嚙禦其犇衝若以勞費為虞是厝火于積薪之下也故道當因則新口宜塞正流欲利則旁支宜塞歐陽子謂故道不可復亦謂故道之湮滅難返者耳若源流未改而忽以一時之衝溢遂棄舊道于不問將隨其決裂何所抵止又冰之橫潰多在上流惟下流淤然後上流潰亦必上流緩然後下流淤此上流謂近海口之上流近海之處正當厚其力而迸其勢不當多

為之途以弱其力也。如草灣河新黃河之類非治河勝策也。所謂塞亦可用者非乎要以與時變通因端順應本之以已饑已溺之心揆之于行所無事之智河未必終于不可治也夫

蕙田案以上兩條論治河之要

胡氏渭曰天官書曰中國山川東北流其維首在隴蜀尾沒於勃碣。漢書天文志云勃海碣石一行言山河兩戒以河濟為北紀江淮為南紀由此觀之禹河從勃碣入海上應天文下協地理漢武帝所謂聖人作事為萬世功通於神明恐難改更者也殷本紀載湯誥之言曰東為江北為濟西為河南為淮四瀆已修萬民乃有居四瀆之由來尚矣爾雅江河淮濟為四瀆四瀆者發源注海者也劉熙釋名曰瀆獨也各獨出其所而入海也自王莽時河徙從千乘入海而北去碣石遠矣然

猶未離乎勃海也自金明昌中河徙而河半不入勃海矣元至正中又徙而河全不入勃海矣河南之濟久枯河或行其故道今又與淮渾濤而入海淮不得擅瀆之名四瀆亡其二矣世習為固然恬不知怪愚嘗為杞人之憂萬一清口不利海口愈塞加以滯潦而河淮上流一時並決挾阜陵洪澤諸湖衝蕩高堰人力倉卒不能支勢必決入山鹽高寶諸湖而淮南海口沙壅更甚於曩時怒不得泄則又必奪邗溝之路直趨瓜洲南注于江至通州入海四瀆并為一瀆拂天地之經奸南北之紀可不懼與欲絕此患莫如復禹舊迹然河之南徙日以遠矣濬滑汲胙之間無河新鄉獲嘉亦無河矣賈讓李垂之策將安所用之或曰金温撒可喜請於新鄉縣西決河水使東北

合清河至清州柳口入海其說不可行乎曰今新鄉
 流絕欲自武陟之東濬其故道約一百三四十里更
 於新鄉縣西決河使東北流鑿生地五十里勞費不
 訾民何以堪且滎陽以下每決必潰右隄未聞有決
 左隄而北者疑此地北高南下新鄉縣西之故道去
 清河雖近未必能導之使北也

蕙田案此言河不可使北

又案為淮揚籌水患者皆言挽河北行使淮
 自淮而河自河則無潰決之患不知自周至
 金河未嘗與淮合而河患不已則河之善決
 豈待與淮合而後其勢始暴哉今竟移河北
 去淮離河則淮害息而河之為害於他處必
 有如前代者其費水衡之錢貽赤子之患如

故耳况今日之河必不可遷之使北者以其
 為運道所關也國家數百萬漕糧豈可一誤
 倘引河入海必穿運河而東河一入運則運
 道必廢其利害有什百于河決者豈可輕議
 况河之故道自禹至金其跡有五將盡舍不
 用而別開一道耶抑即就此五道之中擇而
 復之耶復禹時故道則必開武陟原武獲嘉
 陽武新鄉之地使成河而後引河入衛衛河即
清水禹
時清但入河在今日則
必由衛河以達漳河矣由衛入漳東由天津入海矣
 復周時故道則自衛輝以東必更開濬滑開
 州之地使成河鑿宋商胡故道過大名入衛
 河以北矣復漢時故道則自開州以東必更
 開清豐觀城范縣東阿平原德州之地使成

河引河至蒲臺利津以入海矣宋與周二路相去不遠故不另出
 復金時北流故道則必開新鄉胙城長垣曹
 鄆壽張之地使成河引河至東平入大清河
 以入海矣掘地則數千百里歷州郡以數十
 計無論人力必不能勝即使能勝能保河之
 必如人意驅之即行行之無變乎即衛河漳
 河大清河皆今日之巨川也閘其身之寬深
 隄岸之堅固能容全河之水而不虞其汜濫
 乎此大禹值此亦不敢毅然為之而略無所
 顧慮也禹之治河也自積石龍門以至洛水
 大陸必當時河形本屬如是禹特因而疏浚
 利導之必非河欲東而挽之使西河既南而
 逼之使北也河之南徙已非一日又安能另

尋一路使之安流順軌而北去哉

右禹貢隨山濬川

五禮通考卷第二百五

淮陰兵玉搢校字

